

虚受堂天禄琳琅书目

欽定天祿琳琅書目卷五

元版經部

周易本義啟蒙翼傳

一函
八冊

元胡一桂撰四卷前一桂自序

元史胡一桂字廷芳徽州婺源人精於易初饒州

德興沈貴寶受易於董夢程夢程受朱子之易於

黃幹而一桂之父方平及從貴寶夢程學嘗著易

學啟蒙通釋一桂之學出於方平得朱子源委之

正宋景定甲子一桂年十八遂領鄉薦試禮部不

第退而講學遠近師之號雙湖先生所著有周易
本義附錄纂疏本義啟蒙翼傳諸書並行於世按
景定甲子爲宋理宗景定五年書中一桂自序作
於皇慶癸丑係元仁宗皇慶二年距景定甲子已
五十有二載其時一桂年已七十矣序稱先君子
懼愚不敏旣爲啟蒙通釋以誨之愚不量淺陋復
爲本義附錄纂疏以承先志今重加增纂又成翼
傳四篇云云是一桂之究心周易克承家學亦非
一朝夕之故也是書字體版式規仿宋槧亦元刻

之佳者

尙書註疏

一函
四冊

漢孔安國傳唐孔穎達正義二十卷前穎達序唐

書孔穎達字仲達冀州衡水人八歲就學誦記日

千餘言隋大業初舉明經高第授河內郡博士補

太學助教唐太宗平洛授文學館學士屢遷至太

子右庶子兼司業卒贈太常卿諡曰憲鼂公武郡

齋讀書志曰尙書正義二十卷穎達因梁費昶疏

廣之唐儒學傳稱穎達與顏師古司馬才章王恭

王琰撰五經義訓百餘篇號義贊詔改爲正義云
雖包貫異家爲詳博然其中不能無謬尤馬嘉運
駁正其失永徽中于志寧張行成高季輔就加增
損始布天下藝文志云穎達與李子雲王德韶等
撰朱長才蘇德融隋德素王士雄趙宏智覆審長
孫無忌李勣等二十四人刊定唐史志傳記事多
參差此爲尤甚所記撰著人姓氏穎達外往往不
同云云今觀穎達自序所列撰校之人與藝文志
合不知儒學傳何以譌誤至此是書大字略仿顏

體註字筆畫亦復整嚴惜紙色稍差未能瑩潔

闕補序 三

書集傳

一函
七冊

宋蔡沈撰六卷宋鄒近仁音釋前沈序並尚書纂
圖書傳序共一冊後附書序一篇

宋史蔡沈字仲默建州建陽人元定次子少從朱
子游朱子晚年欲著書傳未及爲遂以屬沈洪範
之數學者久失其傳元定獨心得之然未及論著
曰成吾書者沈也沈受父師之託沈潛反復者數

十年然後成書方年三十時即屏去舉子業一以
 聖賢為師隱居九峯當世名卿物色將薦用之沈
 不屑就鄒近仁宋史無傳考江西志近仁字季友
 饒州人為龍陽丞嘗叩道於楊簡一再語而頓覺
 性至孝或干以利介焉弗受人告之過斂衽以服
 所當為雖強禦不畏著有歸軒集此書與宋版纂
 圖互註毛詩周禮體式相同惟註字參差不齊未
 能如宋槧耳毘陵周良金藏本無考

毘陵周氏九松
 迂叟藏書記

周印
 良金

俱朱文
 每冊

詩傳通釋

一函
四冊

元劉瑾輯二十卷前載朱子詩集傳序詩序辨說

又詩傳綱領並外綱領

吉安府志載劉瑾安福人肆力治詩其說宗朱子

而間出其所自得又考正諸國世次作者時世察
其源流辨其音韻審詩樂之合窮刪定之由爲詩
傳通釋一書能闡發朱子之蘊今按是書以朱子
集傳爲主而博引諸家之說分注於下已說則標
以愚按二字其綱領首詩大序次經傳及宋儒論

詩之言外綱領首諸國世次圖次作詩時世圖次
源流章句音韻詩樂刪次並引用書目及諸儒姓
氏諸篇與府志所言脗合顧炎武日知錄云永樂
中命儒臣纂修五經大全春秋則全襲元人汪克
寬胡傳纂疏但改其中愚按二字爲汪氏曰及添
廬陵李氏等一二條而已詩經大全則全襲元人
劉瑾詩傳通釋而改其中愚按二字爲安成劉氏
曰其三經後人皆不見舊書亦未必不因前人也
昔日儒臣奉旨編纂諸書頒餐錢給筆札書成之

日賜金遷秩所費于國家者不知凡幾將謂此書
既成可以章一代教學之功啟百世儒林之緒而
僅取已成之書鈔謄一過上欺朝廷下誑士子唐
宋之時有是事乎朱彝尊經義考云永樂中胡廣
等攘其成書爲大全今以大全較之輯注微有增
損小序則通釋附於每篇之後大全冠於全書之
首並加以圖二十有三爲稍異耳又引黃虞稷曰
瑾字公瑾安成人按安福縣在漢時爲安平安成
二縣境元成宗元貞間嘗升爲安福州安成蓋古

邑名故瑾亦自署爲安成虞稷第浴而未考耳書
中詩傳綱領首葉於劉瑾署名次行有建安劉氏
日新堂校刊九字卷一末又有至正壬辰仲春日
新堂刻梓木記考至正壬辰爲元順帝十二年劉
氏未詳其名想亦當時書賈也

本朝劉體仁藏本有印記體仁字公猷江南潁州人
順治乙未進士官吏部考功郎著有蒲菴集餘印
無考

監亭主人

朱文

希夔

白文
每冊

劉體仁

白文
序

公猷

朱文
外綱領

穎川

劉考功
藏書印

朱文

綱領

卷四

卷十

卷六

欲訥子

白文
卷四

禮經會元

一函
四冊

宋葉時撰四卷前元潘元明序時家傳六世孫廣

居識

葉時宋史無傳考咸淳臨安志及嘉靖浙江通志

載時仁和人淳熙十一年甲科累官至龍圖閣學

士卒諡文康著有禮經會元竹野集又兩浙名賢

錄載時字秀發博學善屬文尤邃於周禮為學者

所宗晚居嘉興悉與書首家傳昭合宋史藝文志及鼂公武陳振孫馬端臨諸人書目皆不載是書書中廣居識語稱滎陽公敦古尙治命鋟梓以不朽其傳云云則知此書在宋時並未刊行故不顯於世滎陽爲潘氏郡望前有海陵潘元明序作於至正乙巳按乙巳爲元順帝二十五年其結銜稱滎祿大夫江淞行省右丞兼同知行樞密院事考元史無元明傳明史太祖本紀載順帝二十六年十一月李文忠下餘杭潘原明降凌迪知萬姓統

譜載潘原明泰州人初與張士誠俱起鹽徒爲浙
江行省平章事守杭州李文忠師至錢塘原明全城
歸降士誠由是勢孤兩書皆作原明與序中元明
元字音同字異第結銜相符其時亦合且泰州自
南唐以前皆稱海陵郡元明之爲泰州人信而有
徵其卽一人無疑成化杭州府志載廣居字居仲
仁和人天資超邁才力絕人爲古文詩詞援筆立
就仕至浙江儒學副提舉所著有自得齋集
書首有大中丞印無考

大中 朱文
丞印 序

闕補卷四 五十一之
五十三

儀禮圖 一函
八冊

宋楊復撰十七卷後附儀禮旁通圖一卷前載朱

子乞修三禮奏劄復自序陳普序

朱彝尊經義考載是書引明曾棨曰楊復因朱子

之意取儀禮十七篇悉為之圖制度名物粲然畢

備以圖考書如指諸掌西山真德秀稱為千古不

刊之典焉又引桂萼曰儀禮經朱子考證已定楊復圖尤爲明便其文雖屬難讀然因圖以指經因經以求義斯了然矣凌迪知萬姓統譜載復長溪人受業朱子與黃幹相友善著祭禮十四卷儀禮圖十四帙又有家禮雜說附著二說書首復自序稱復曩從先師朱文公讀儀禮求其解而不可得則擬爲圖以象之今所圖者則高堂生十七篇之書也釐爲家鄉邦國王朝諸禮則因先師經傳通解之義例也附儀禮旁通圖於其後則制度名物

之總要也云云序作於紹定戊子按戊子爲宋理宗紹定元年後有陳普序未詳其人刊刻體式亦仿宋版而紙質黝厚非宋製也

附釋音春秋左傳註疏

六函
六十冊

晉杜預註唐孔穎達疏陸德明音義共六十卷前穎達春秋正義序

崇文總目春秋正義唐國子祭酒孔穎達撰此書名曰附釋音春秋左傳註疏蓋仿宋版監本附音春秋公穀二書之例然元時監本已不逮於宋而

此乃屬坊刻宜其又遜一籌矣

闕補卷五十七二十八之二十七卷五十八二十八之二十七卷六十二二十八之二十九

春秋諸國統紀一函六冊

元齊履謙撰六卷前元吳澄序履謙自序後齊思

恭跋

元史齊履謙字伯恆父義善算術履謙生六歲從

父至京師七歲讀書一過即能記憶年十一盡曉

推步之法十三從師聞聖賢之學自是以窮理為

務非洙泗伊洛之書不讀至元間授星厯教授大

德中遷保章正仁宗卽位嘉尚儒術擢國子監丞
改授國子監司業與吳澄並命時號得人未幾以
履謙僉太史院事至延祐元年復爲國子司業後
拜太史院使卒於官至順三年贈翰林學士資善
大夫上護軍追封汝南郡公諡文懿吳澄字幼清
撫州崇仁人舉進士不第以元明善薦除江西儒
學副提舉繼以國子監丞遷司業英宗卽位超授
翰林學士進階大中大夫移疾歸年八十五卒贈
江西行省左丞上護軍追封臨川郡公諡文正履

謙此書成於延祐四年乃復爲國子司業時所作
其書始魯終吳合二十國而附錄諸小國亡國於
後澄曾與履謙同官深知其學因爲之序朱彝尊
經義考載是書有柳貫跋此本無之而有思恭跋
又經義考中所無思恭元史無傳跋稱履謙曰大
兄司成君則知爲履謙之弟書中有禮部官書朱
文長印與宋版通鑑紀事本末書中所鈐符合似
亦明永樂間所採之本也

琴川毛氏藏本

元本

甲

俱朱文
澄序

汲古

朱文履謙序
主人
卷四

毛晉朱文
之印履謙序

汲古閣

朱文
目錄

毛氏

朱文卷一
子晉
卷五

東吳毛氏圖書

朱文卷一
卷二
卷六

毛晉

朱文卷二
私印
卷三

子晉

朱文卷二
書印
卷六

子晉

汲古閣

俱朱文
卷四

毛晉

朱文
之印
卷六

弦歌

白文
草堂

汲古得

朱文
修綆
思恭跋

九經

三函
十二冊

周易尚書毛詩春秋禮記孝經論語孟子爾雅小

爾雅附中庸大學重出各經序文傳註俱不載

此書專刻經文無校刊人姓名亦不載鏤版年月
易經後有識語云茲刻易文諸卦皆仿乾卦或疑
大學之曰分經分傳以別篇卷分經合傳以便贊釋此
古文今文各有所取茲不然者何也曰古文別而
病其離今文便而病其碎此程朱傳義所以更張
不一者也茲使義文周孔之易別而不離便而不
碎殆古人玩易之舊也漢儒分經合傳爻辭不可
相屬傳贊亂其成韻矧象曰之綴疊僭妄不稽尤
不若古文之可安也曰漢儒之僭妄何稽乎曰以

乾卦也又學庸後識語云學庸本二戴類編之經
二程揭出示要領也今刻古文一仍其舊而二篇
重出便四書之尚也至善堂記按至善堂當是書
賈坊名其專刻經文蓋取便於行篋所攜亦仍宋
槧巾箱九經之意刊手印工雖非草草而欲如巾
箱本之密行細字倍見精瑩者已出其下矣

大學衍義

四函
二十冊

宋真德秀撰四十三卷前德秀進表劄子申狀并

序

與用宋史德秀字景元後更爲景希建之浦城人登慶
尙書元五年進士第繼中博學宏詞科由太學正累官
鴻臚至參知政事三乞祠祿進資政殿學士提舉萬壽
賀正觀兼侍讀卒諡文忠其自泉州入爲戶部尙書時
時以大學衍義進上嘉納之德秀申狀稱端平元年
十月初二日進入次日後殿聚講論所進大學衍
義一書有補治道旋於十四日輪當進讀大學章
句旣畢忽蒙聖訓卿所進衍義便合就今日進讀
德秀私謂前所進本已納禁中必須令講筵所別

寫然後可以進讀遂以未辦爲對聖訓云已在此
矣卽見內侍捧元進第一第二帙在前云云則理
宗之重是書亦已至矣此本規仿宋槧摹印俱工
實元版之最佳者惜紙質堅而未緻耳

御題大學八條著爲聖經而眞西山衍義一書首劄聖
賢性命之精旁采古今治亂之迹發揮經術燦若列眉
誠孔氏之功臣也坊賈傳刊率多譌繆此書雕鋟精善
尙屬元刻舊本每一披覽心目豁然藉是或得仰窺聖
奧用臻治理則補裨寧有涯涘耶甲子小春下澣御識

鈐

寶三日幾暇臨池日稽古右文之璽日讀書析理

東宮書府印無考

東宮

朱文表 卷五 卷十 卷十四 卷十九

書府

卷二十三 卷二十八 卷三十三 卷三十九 卷四十二

樂書

六函
三十六冊

宋陳暘撰二百卷前宋楊萬里序次暘進表并序

次趙挺之請寫錄樂書劄子准行詔旨樂書目錄

正誤樓鑰序陳芾題辭後陳岐林于沖三跋

陳振孫書錄解題曰樂書二百卷祕書省正字三
山陳暘撰建中靖國初進之爲禮書陳祥道其兄
也其書雅俗畢備博則博矣未免於蕪穢也考宋
史陳暘字晉之福州人中紹聖制科授順昌軍節
度推官徽宗初進迂衡集以勸導紹述得太學博
士祕書省正字進鴻臚太常少卿禮部侍郎以顯
謨閣待制提舉醴泉觀建中靖國元年趙挺之劄
子稱暘所著樂書卷帙旣多無力繕寫臣欲乞依
祥道例特賜筆吏畫工寫錄圖畫進獻云云徽宗

從之並以詔書褒賜有成書甚富眾論所稱差進
厥官以爲爾寵之語宋史挺之字正夫密州諸城
人進士上第由登棣二州教授累官至右僕射卒
諡清憲樓鑰序云樂家之書未有此比而又苦其
舛誤無所考證聞建昌陳史君刊此書與禮書並
傳取而校正復爲質之經傳尙三數百條會陳子
芾爲南豐宰因以寄之南豐欲別刊此編以補郡
本之缺求書其後云云其序作於嘉泰二年所稱
陳史君卽作跋之陳岐岐跋作於慶元己未按己

未爲宋寧宗慶元五年至七年改元嘉泰是此書
在徽宗時祇經寫錄逮岐始爲刻梓而芾又別刊
之三年之中兩付剗刷矣此本字多俗體如禮作
礼興作與之類雖係元翻宋刻而筆畫清朗紙墨
俱佳固元刊之傑出者也宋史樓鑰字大防明州
鄞縣人隆興元年試南宮有司偉其辭藝欲以冠
多士策偶犯舊諱知貢舉洪遵奏得旨以冠末等
由溫州教授累官至參知政事卒贈少師諡宣獻
陳岐陳芾林子冲宋史俱無傳凌迪知萬姓統譜

林子冲字通卿自號岫雲居士侯官人之奇從子
學問德業有聲鄉里閒士宗之者數百人淳熙中
登進士第初爲南豐簿時郡守陳岐欲修二陳禮
樂書以子冲大儒之後延以特榻子冲隨文釋義
訂正頗多書中有禮部官書朱文長印似亦爲明
臨文 永樂閒所採輯者

御題宋陳暘樂書二百卷與其兄祥道所著禮書並傳
於世其閒網羅放失參攷古今損益之故犁然具備而
女樂一篇尤足垂千古炯戒楊萬里序中特著明之意

深遠矣幾暇閒披有資君德夫豈獨雕鏤精好輝映東
壁耶乾隆甲子秋分後二日御題鈐
寶二曰稽古右文之璽曰乾隆宸翰

說文解字

一函
六冊

漢許慎撰宋徐鉉校定三十卷前標目一卷第十

五卷上載慎原序次說文解字總部十五卷下載

許慎之子許沖進表次徐鉉等進校定說文表又

新修字義并鉉等進校定說文解字表敕校定說

文解字牒文

馬端臨文獻通考引鼂公武曰漢太尉祭酒汝南
許慎叔重纂李陽冰刊定徐鉉再是正之又增加
其闕字陳振孫曰凡十四篇并序目一篇各分上
下卷凡五百四十部九千三百五十三文重一千
一百六十三雍熙中右散騎常侍徐鉉奉詔校定
以唐李陽冰排斥許氏爲臆說末有新定字義三
條其音切則以唐孫愐韻爲定考宋史徐鉉字鼎
臣揚州廣陵人十歲能屬文與韓熙載齊名初仕
吳繼仕南唐逮宋由太子率更令厯官右散騎常

侍遷左常侍精小學好李斯小篆臻其妙隸書亦
工嘗受詔與句中正葛湍王惟恭等同校說文今
書中鉉進表後結銜四人與史傳合葛湍王惟恭
宋史無傳句中正字坦然益州華陽人孟昶時授
崇文館校書郎復舉進士及第爲曹潞二州錄事
參軍精於字學古文篆隸行草無不工太平興國
二年獻八體書授著作佐郎直史館歷官屯田郎
中書後雍熙三年敕新校定說文解字牒文稱其
書宜付史館仍令國子監雕爲印版依九經書例

許人納紙墨價錢收贖兼委徐鉉等點檢書寫雕

造無令差錯致誤後人云云按宋時監本刻印尤

精此書雖仿其式而版之長短無定紙之質理亦

粗以牒所稱何如鄭重不當有此其爲元時翻刻無疑

大明正德十二年四月初八日收頤齋徐獻忠記

大明萬曆六年八月望日收瑞龍龔從先記

以上俱六冊末

右識語二朱彝尊明詩綜小傳徐獻忠字伯臣松

江華亭人嘉靖乙酉舉人知奉化縣及卒友人私

諡曰貞憲先生有長谷集龔從先未詳其人元柯

九思盛懋明莫如忠俱經收藏有印記徐顯稗史
集傳柯九思字敬仲台州仙居人遇文宗於潛邸
及卽位置奎章閣特授學士院鑒書博士凡內府
所藏法書名畫咸命鑑定鄒衡嘉興志補盛懋字
子昭臨安人僑寓嘉興善畫明史莫如忠字子良
嘉靖十七年進士累官浙江布政使善草書詩文
有體要餘印無考

子 朱文
昭 標目

卞六 白文
父 端 標目

莫印 白文
如忠

華亭朱克裕 朱文八分
家藏圖書記

龔徵
民印

悅山

朱文 俱標目 卷三上 卷六上
卷全 卷十二上 卷四上

獻忠 朱文
家藏 標目

卷三下 卷四上 卷六下 卷七上 卷九下
卷十上 卷十二下 卷十三 牒文

林泉 朱文 標目 卷四上
清趣 卷七上 卷十一 卷十三上

天

朱文 標目
卷十二上下

徵

民

白文 標目

柯九 思印

白文 卷三下 卷五下 卷七下
卷十下 卷十三下 牒文

徐

獻忠 朱文 卷四上之卷七上
家藏 卷全之卷十五下

仲謀

朱文 卷十上

瑞

民徵

俱朱文

牒文

大廣益會玉篇

一函
十二冊

梁顧野王撰唐孫強增三十卷前有大中祥符六年都大提舉玉篇所牒及字數野王序啟各一首玉篇廣韻指南一卷

此書較宋版大廣益會玉篇尺寸加贏紙色墨光遜其古潔篇目字數兩書相同而此多玉篇廣韻指南一卷按隋陸法言撰廣韻五卷宋陳彭年等

本重修之其書與玉篇不相涉馬端臨文獻通考載玉篇三十卷像文玉篇二十卷玉篇解疑三十卷重修玉篇三卷未見有於玉篇之下綴以廣韻二字者則此乃強爲牽合非復宋槧之舊明矣

元趙孟頫藏本有水晶宮道人印孟頫以湖州四面皆水自號水晶宮道人解縉春雨集云趙文敏公早歲喜畫梅印以水晶宮圖書浙中有瑪瑙寺或戲以爲對遂不用又有鮮于樞仲溫吳寬二泉米萬鍾王鐸錢謙益諸印考陶宗儀書史會要鮮

于樞字伯機號困學民漁陽人官至太常寺典簿
高啟南宮生傳宋克字仲溫吳人自號南宮生明
史邵寶字國賢無錫人學者稱爲二泉先生成化
二十年進士歷官南京禮部尙書卒贈太子太保
諡文莊孫承澤畿輔人物志米萬鍾字仲詔其先
關中人徙京師萬歷乙未進士仕至太僕寺少卿
著篆隸考譌二卷王鐸字覺斯河南孟津人明天
啟二年進士

本朝官禮部尙書吳寬錢謙益見前餘印無考

內殿
秘書
之印

朱文
牒文

御府
圖書

朱文
序

水晶宮
道人

鮮印
于樞

俱白文
牒文

溫仲

逸隱
子

吳寬

俱朱文

米印
萬鍾

白文

王鐸

朱文
俱序首

二泉

朱文

錢印
謙益

白文
俱指南首牒

闕補卷二十三

六書正譌

一函
五冊

元周伯琦撰五卷前琦自序後元吳當序

元史周伯琦字伯溫饒州人幼從父應極游宦京師入國學爲上舍生蔭授將仕郎南海縣主簿洊擢翰林修撰日被顧問眷遇益隆歷官浙西肅政廉訪使江南行臺監察御史尋假參知政事招諭張士誠士誠降拜資政大夫江浙行省左丞後歸鄱陽卒伯琦博學工文章而尤以篆隸眞草擅名當時嘗著六書正譌說文字原二書其序稱許慎氏爲說文解字學者有所依據李陽冰附新義以廣其旨徐鉉增翻切以明其音鉉弟鍇撰通釋以

衍其義雖或辨其舛戾而猶淆以俗體張有次復古編鄭樵作六書略戴侗述六書故莫不原於許氏然張失之拘鄭過於奇戴病於雜閒嘗撫字書之常用而疑似者以聲類之參稽古法集而書之凡二千餘字名之曰六書正譌以刊傳寫之謬云云今觀書中篆法深合史籀準繩或卽伯琦所自作刊手亦頗得用筆之妙乃元版中不可多得之本吳當字伯尙澄之孫用薦者爲國子助教預修宋遼金三史除翰林修撰歷官中奉大夫江西行

省參知政事陳友諒陷江西諸郡遣人辟之當不
爲屈隱居著書以終其身見元史

元版史部

史記

六函
六十冊

漢司馬遷撰宋裴駟集解唐司馬貞索隱張守節
正義一百三十卷前駟集解序次貞史記索隱序
補史記序張守節正義序論列諡法解

陳振孫書錄解題載史記一百三十卷漢太史夏
陽司馬遷撰宋南中郎參軍河東裴駟集解張晏

曰遷沒之後亡景武紀禮樂兵書漢興將相年表
三王世家日者龜策傳斬蒯成列傳元成之間褚
先生補作武紀三王世家日者龜策傳顏師古曰
本無兵書張說非也今按褚所補皆不足觀其餘
六篇未知何人所補也褚名少孫裴駟卽注三國
志松之之子始徐廣作史記音義駟本之以成集
解云云又載史記索隱三十卷唐宏文館學士河
內司馬貞撰採摭異聞釋文演注末二卷爲述贊
爲三皇本紀世號小司馬史記又載史記正義三

十卷唐諸王侍讀張守節撰據此則索隱正義二
 書本各單行後人取而合之耳是書目錄并以貞
 所補三皇本紀居卷一之首尤失其舊版係翻刻
 宋槧未為工整

闕補卷五 二十三 卷九十二 四 卷九十七 三十

史記

六函
六十冊

篇目同前

此即前版而摹印在先較為清朗

闕補集解序 四

卷六十七

十六 卷一百十八 八

史記

六函
六十四冊

篇目同前闕集解序史記五義三表

此書亦同前版內有安氏家藏印考常州志安國
字民泰無錫人居積諸貨人棄我取贍宗黨惠鄉
里乃至平海島濬白茅河皆有力焉父喪會葬者
五千人嘗以活字銅版印吳中水利通志又目錄
後有表章經史之寶乃爲木刻係別紙所印移黏
於此此出書賈作僞之手不足登載

安氏 朱文 索隱序

家藏 卷一

闕補卷四 二卷五 二十卷八 三十三卷十六 三

五十三卷十八 五十六卷二十一 七卷三十五 一卷

九十一 八卷九十七 九卷一百十二 二十卷一百三

十九 四之八

史記 六函 六十冊

篇目同前闕索隱補史記正義三序

此書目錄後有大宋紹興五年王氏梅溪精舍鐫

刻隸書木記乃割取別本以黏接者實與前三部同出一版

錫山邵寶安國俱經收藏寶安國見前橋李郁氏

無考

橋李郁氏家藏

錫山二泉邵氏家藏

大明錫山桂坡安國民大氏書畫印

俱白文集解序

闕補卷十六二十九

史記

六函六十冊

篇目同前闕集解序

此係宋印不全之本參入元刻以成完書雖所存
者僅十之二三而宋槧面目猶未盡泯亦足為吉
光片羽之珍也

樂安沂水王應瑞二印無考

樂安沂水鑒藏

天水王應瑞
仲祥章

白文
卷五十六

闕補卷二十四
卷十一
卷二十二
卷四十

四十二卷一百三

漢書

八函
八十冊

漢班固撰唐顏師古注帝紀十二卷年表八卷志
十卷列傳七十卷共一百卷前師古敘例目錄後

元孔文聲跋

孔文聲跋云江東建康道肅政廉訪司以十七史

書艱得善本從太平路學官之請徧牒九路令本

路以西漢書率先俾諸路咸取而式之置局于尊

經閣致工於武林三復對讀者耆儒姚和中輩十

有五人重校修補者學正蔡泰亨版用二千七百七十五面工費具載學記茲不重出始大德乙巳仲夏六日終是歲十有二月廿四日太平路儒學教授曲阜孔文聲謹書跋後列承務郎太平路總管府判官劉遵督工江東建康道肅政廉訪副使伯都提調元史伯都今改正白巴圖幼穎異能不以家世自矜長嗜書史大德五年擢江東廉訪副使累官至江南行臺御史大夫孔文聲劉遵蔡泰亨姚和中俱無考按元史百官志世祖至元二十八年改

按察司曰肅政廉訪司後於每道置廉訪使二員
副使二員今跋中所稱廉訪司未載其名不知誰
氏又云徧牒九路元史地理志載江東建康道所
隸者爲寧國徽州饒州集慶太平池州信州廣德
八路鉛山一州是鉛山無路之名而所云九路者
豈以州爲路亦可通稱耶其跋作於大德乙巳係
元成宗大德九年考成宗本紀大德九年五月改
各道肅政廉訪司爲祥刑觀察使十月仍復舊名
此書成於十二月稱廉訪司與本紀合當時以百

卷之書仲夏開雕逮臘月而即葢事計工不為不

速獨惜其摹印草草較宋刊則遠甚矣

橋李項氏藏本

世濟美堂
項氏圖籍

項子京
家珍藏

俱朱文 敘例

目錄 卷一上下

晉書

四函
三十冊

唐太宗御撰帝紀十卷志二十卷列傳七十卷載

記三十卷共一百三十卷後載唐處士何超音義

楊齊宣音義序

鼂公武郡齋讀書志曰晉書一百三十卷唐房喬等撰喬以宣武紀陸機王羲之傳論上所自爲故曰制旨又總稱御撰焉馬端臨文獻通考引夾漈鄭氏曰古者修書出於一人之手成於一家之學班馬之徒是也至唐始用等手晉隋二書是矣然亦隨其學術所長者而授之如李淳風于志寧之徒則授之以志顏師古孔穎達之徒則授之以紀傳以顏孔博通今古于李明天文地理圖籍之學所以晉隋二志獨爲詳明也此書版式尺寸與前

所載史記相類其字畫紙墨亦同皆一時摹仿宋槧之本

古史

二函
十二冊

宋蘇轍撰本紀七卷世家十六卷列傳三十七卷
共六十卷前自序後自志

朱子古史餘論曰近世之言史者惟此書爲近理
其序言古帝王爲善不爲不善之意非近世論者
所能及而論史遷以爲淺近而不學疏略而輕信
亦中其病又云蘇氏之學大抵橫邪曲直惟其意
之所欲少公資稟靜厚故此書於一時正見頗明

資前

若長公之志林不逮遠矣陳振孫書錄解題曰其

書因馬遷之舊上觀詩書下考春秋及秦漢雜錄

爲本紀世家列傳蓋漢世古文經未出戰國諸子

各自著書或增損故事以自伸其說遷一切信之

甚者或采世俗相傳之語以易古文舊說故爲此

史以正之云云馬端臨文獻通考載是書後有雁

湖李氏跋今此本無之其非宋槧無疑卷七後別

行刊左迪功郎衢州司戶參軍沈大廉同校勘卷

十六後別行刊右修職郎衢州錄事參軍蔡宙校

勘兼監鏤版宙無考兩浙名賢錄載沈大廉字元簡瑞安人宋建炎進士歷遷樞密院計議官紹興更化拜監察御史遇事敢言無所顧望給事中周葵中書舍人凌景夏相繼罷斥大廉俱力言之不報自以不得其言求外補時論翕然重之

闕補卷十八三十七之三十九卷二十八二十八卷二十一三卷

三十六三卷三十七一卷四十四四卷四十二二卷

四十九十卷五十九六卷六十五三之

資治通鑑二百八十冊

宋司馬光撰二百九十四卷胡三省音註前三省
序後光進表神宗獎諭詔書并尙書省奉旨下杭
州鏤版劄子校定刊進諸臣銜名又附三省釋文
辯誤十二卷并跋

鼂公武郡齋讀書志曰司馬溫公自謂精力盡於
此書神宗賜名資治通鑑御製序以冠其首云云
今此書不載神宗序三省序稱史漢自服虔應劭
至三劉註解多矣章懷註范史裴松之註陳壽史
雖閒有音釋其實廣異聞補未備以示博悉疏其

所以然若釋文之舛謬悉改而正之著辯誤十二卷云云是三省此序係專爲音註而作故釋文別有跋也通鑑後列光進表并詔書劄子及諸銜名蓋存杭州初刻之舊其釋文辯誤之作以史炤本公休本費氏龍爪通鑑皆譌謬相傳公休本刻于海陵亦非公休所作不可不辯故名之曰辯誤考台州府志三省字身之寧海人寶祐閒進士終朝奉郎因資治通鑑音義釋文各本乖異刊正爲廣註九十七卷著論十卷以薦參賈似道軍言輒不

用歸而遇亂失前書復購他本爲之注始以考異
及所著者散入通鑑各文之下別註辯誤十二卷
又有行素稿一百卷按宋史賈似道以德祐元年
乙亥免官今書中三省之序作於乙酉年蓋元世
祖至元二十二年其跋作於丁亥則二十四年也
祕閣之印無考

祕閣
之印

朱文

每冊

闕補序文三卷十二卷十四卷十五

十卷五十三四二十卷六十四五卷六十七十二

二十卷六十八三三十卷七十一三卷七十二十八

卷七十六九卷八十五九卷一百三四二十卷一百

二十五四十八卷一百四十九九卷一百七十六八

卷一百八十二卷一百八十四二十卷一百九十

二十卷二百八一三十卷二百十十五卷二百十四

十五卷二百十八五二十卷二百二十一三十三卷

二百二十二二十一卷二百三十一一卷二百四

十四四二十卷二百四十八五卷二百五十八十二

卷二百六十五九卷二百七十四五卷二百八十

二十七卷二百八十三五卷二百九十三十四

卷二百九十四三十一

資治通鑑

二十面
一百六十冊

篇目同前有元王磐序編制事之難急而審慮用

此書即前版而字畫清朗紙質亦較明淨蓋摹印

稍先也書首多王磐一序考元史王磐字文炳廣

平永年人至大四年擢經義進士第累官翰林學

士遷太常少卿以年老屢乞骸骨進資德大夫致

仕年九十二卒贈端貞雅亮佐治功臣太傅開府儀同三司追封洛國公諡文忠其序稱朝廷於京師勅立興文署署置令丞并校理四員厚給祿廩召集良工剡刻諸經子史版本流布天下以資治通鑑爲起端之首可爲識時事之緩急而審適用之先務云云按元史載世祖至元二十七年正月立興文署掌經籍版磐序所言與史脗合則知此書乃元時官刻本也

武陵顧從德藏本從德見前

武

陵

顧印
從德

俱白文	卷一	卷四	卷七	卷十	卷十三
卷十六	卷十九	卷二十二	卷二十五	卷二十八	
卷三十一	卷三十四	卷三十七	卷四十	卷四十三	

卷四十六

卷四十九

卷五十二

卷五十五

卷五十八

卷六十一

卷六十四

卷六十七

卷七十

卷七十三

卷七十六

卷七十九

卷八十六

卷八十九

卷九十二

卷九十三

卷九十五

卷九十八

卷一百一

卷一百四

卷一百七

卷一百十

卷一百十三

卷一百十六

卷一百十九

卷一百三十一

卷一百三十五

卷一百三十八

卷一百三十一

卷一百三十五

卷一百三十六

卷一百四十一

卷一百四十四

卷一百四十七

卷一百五十一

卷一百五十四

卷一百五十七

卷一百六十一

卷一百六十四

卷一百六十七

卷一百七十

卷一百七十六

卷一百七十九

卷一百八十一

卷一百八十五

卷一百八十八

卷一百九十一

卷一百九十四

卷一百九十七

卷二百

卷二百三

卷二百六

卷二百九

卷二百十二

卷二百十五 卷二百十八 卷二百二十一 卷二百二十四 卷二百二十七 卷二百三十

卷二百三十三 卷二百三十六 卷二百三十九 卷二百四十二 卷二百四十五 卷二百四十八

卷二百五十一 卷二百五十四 卷二百五十七 卷二百六十 卷二百六十五 卷二百六十八

卷二百七十一 卷二百七十四 卷二百七十七 卷二百八十

卷二百八十三 卷二百八十六 卷二百八十九 卷二百九十二

釋文辨誤卷一 卷五 卷九

闕補卷二百二十九^{二十七}卷二百四十二^{二十七}

卷二百四十六^{二十七}卷二百八十一^{二十七}

資治通鑑綱目^{三函}十八冊

宋朱子撰五十九卷元王幼學撰集覽前載朱子

及幼學序例各一篇

朱子資治通鑑綱目宋時廬陵刊本已載前矣此
爲幼學作集覽既成刻梓以行於世者序例後有
歲在上章敦牂孟夏魏氏仁實書堂新刊分書木
本記魏仁實應是當時書賈姓字幼學序稱編始於
大德己亥迄於延祐戊午積二十年七易稿而編
甫成以其薈萃叢集頗可省覽因題之曰通鑑綱
目集覽云云是幼學之作是書用心良苦考安慶
府志幼學字行卿望江人博覽經史宗程朱之學
至元間躬耕慈湖之坂與學者講道不輟時稱爲

慈湖先生

明厲文暉藏本凌迪知萬姓統譜載文暉名昇無

錫人性狷介與人不苟合以歲貢入胄監授浙江

青田知縣持公秉廉孜孜愛民去二十年邑人猶

懷慕其德立生祠祀之

本朝泰興季氏亦經收藏

溫柔
敦厚

錫山
厲氏

文暉
之章

俱朱文 朱子序文 卷四
卷九 卷十一 卷十三
卷二十 卷二十三 卷二十六
卷二十九

卷三十三 卷三十六 卷三十九、卷四十二
卷四十五 卷四十八 卷五十一 卷五十二
卷五十四 卷五十七

季振宜
藏書

朱文 王序
目錄 卷一

資治通鑑綱目

六函
五十九冊

宋朱子撰五十九卷前自序

是書綱目並列係照宋廬陵本刊梓然版之尺寸較縮字畫紙墨亦遠不相及此宋槧所爲尤可寶也

明顧仁效藏本考王鏊震澤集有陽山草堂記云顧仁效結廬陽山之下棄去舉子業獨好吟咏兼工繪事坐對陽山拄頰搜句日不厭或起作山水人物悠然自得人無知者

本朝泰興季氏亦經收藏餘印無考

季滄葦
圖書記

御史
之章

白文

季印
振宜

滄葦

俱朱文
序

季振宜
藏書

朱文
卷一

顧印
仁效

白文 卷一 卷三 卷九 卷十一 卷十三 卷十六
卷十九 卷二十一 卷二十五 卷三十 卷三十三 卷三十六
卷三十八 卷四十二 卷四十五 卷四十八

卷五十
卷五十二
卷五十五

白鹿書院山
長樂杞校藏

朱文楷書 卷一 卷三 卷九 卷十一 卷十三
卷十六 卷十九 卷二十一 卷二十五 卷二十七
卷三十 卷三十三 卷三十八 卷四十二

卷四十二

卷四十四

卷四十六

卷四十八

靜學
文房
之印

朱文
卷十二

卷五十

卷五十二

卷五十五

闕補卷四之卷七全卷五十九三十四三十五高麗閣出

資治通鑑綱目六函六十冊蘇公志平交又與公之

篇目同前其

此書與第一部同版而墨色少差樵印在其後也

施愈收藏印記無考

施愈	朱文	卷三之卷五	卷七	卷十一	卷十五	卷十六	卷十七	卷十九
子中印	卷三	卷十四	卷二十六	卷二十九	卷三十一	卷三十四	卷三十六	卷四十一
	卷四	卷四十六	卷五十一	卷五十五	卷五十八	卷五十九	卷六十一	卷六十五

通鑑總類四函四十冊

宋沈樞撰二十卷前樓鑰序士

安吉州志沈樞字持要舉進士調彭澤丞用葉義
問薦賜對首論君子小人之辨高宗嘉之除監察
御史坐不附楊邦彥獲譴謫端州尋起溫州終太
子詹事諡憲敏樓鑰序稱故詹事光祿沈憲敏公
取司馬公所著各以事類編之爲二百七十一門
首曰治世曰知人終曰辯士曰烈婦公之季子欲
鋟版以廣其傳俾鑰序之鑰晚出試郡永嘉實守
蕭規以自免於戾荷公忘年定交又與公之子游
爲書卷首云云按宋史樓鑰傳於孝宗淳熙間出

知溫州以樞起官時考之正不相遠其序作於寧
宗元年距官永嘉之日二十餘載是在樞既歿之
後也

明文徵明文伯仁王寵藏本有玉蘭堂五峯樵客
王履吉諸印皆見前

本朝季振宜亦經收藏其用宋本印蓋因樓鑰序中
有公之季子守潮陽欲鋟版以廣其傳語然書之
字體結構與宋槧本不同且印工墨色亦欠精朗
其爲優絀固不能自掩耳餘印俱無考

宋本 朱文 季振宜 朱文序目錄 十七冊 十九冊
每冊 藏書 二冊之三十一冊 三十三冊之四十冊

季振宜 朱文 字詵兮 號滄葦 首冊之三冊

三冊之十二冊 十三冊 十五冊 十六冊 二十冊之三十一冊

古吳 白文目錄 二冊 二十九冊

三十三冊之三十五冊 三十八冊 四十冊

王氏 三十七冊 三十九冊 四十冊

御史 之章

季印 振宜

滄 葦

朱文 俱目錄

季印 振宜

滄 葦

朱文 首冊 十四冊

梅谿 精舍

白文首冊 十冊 十五冊 十九冊 二十四冊 二十八冊 三十八冊 四十冊

梅華 屋

白文 三冊

王印 履吉

白文 四冊

尊餘 堂印

白文 四冊 七冊之二十四冊
二十六冊之二十四冊 三十六冊之四冊

翠竹 齋

白文 五冊
四十冊

五峯 樵客

白文 六冊
十六冊 四冊

趙汝 師藏 書印

白文 七冊 九冊 十冊 十五冊 十七冊
十九冊 二十冊 二十三冊 二十七冊 二十九冊
三十冊 三十三冊 三十七冊 三十九冊

鐵硯 齋

白文 七冊 二十二冊
二十三冊 四十冊

玉蘭 堂

白文 八冊 十三冊 二十七冊
三十三冊 三十五冊 四十冊

江左

朱文 九冊
十四冊 四十冊

春草 堂印

白文 十二冊
四十冊

竹塢

朱文 十二冊 十八冊
二十冊 三十九冊 四十冊

季印 振宜

朱文 十四冊
十九冊

滄 葦

白文
十四冊

毛哀字

華伯號

質菴

白文

三冊

闕補卷一一五十卷三四十

十七史詳節十二函
九十六冊

宋呂祖謙撰二百七十三卷

宋史經籍志載呂祖謙大事記二十七卷宋通鑑

節五卷通鑑節要二十四卷又祖謙傳大事記之

外載讀詩記考定古周易書說闕範官箴辨志錄

歐陽公本末諸書皆不及十七史詳節宋鼂氏陳

氏馬氏書目亦均不錄惟明焦竑經籍志有呂祖謙十七史詳節二百八十三卷較此本又多十卷今觀書中標題或稱東萊先生增入或稱東萊校正而兩漢書及新唐書則標爲諸儒校正體不畫一是此書卽爲東萊所作亦屬未完之本其版仿宋巾箱本式而刻印草草似是書賈所爲故前後俱無序跋不知焦竑何所據也

明周伯器藏本考嘉興府志伯器名鼎嘉善人正統中官汴陽典史有桐村疑舫齋土苴集餘印無

考

天台下邳

朱白相間文 史記序 目錄 卷二上 卷二十 漢書目錄

余氏恆齋

書籍印

綱目 卷十 卷十一 卷二十 卷二十一 三國志卷一 卷二十

晉書目錄 卷一 卷五 卷十六 卷三十 南史目錄 卷一 卷二十五 唐書表

卷二十三 卷二十四 卷三十六 卷三十七 卷四十五 卷四十六 卷六十五 五代史序 卷二

伯器

朱文

樹連

白文

之章

東漢書卷十八

周氏子孫 保之

朱文 隋書目錄

卷一 卷十一

闕補史記卷八 卷九 兩漢書卷二十一 卷二十二 卷二十四 卷

二十一 卷二十三 卷二十五 卷二十六 卷二十七 卷二十九

十七史纂古今通要

一函
六冊

前集十七卷元胡一桂撰子昌祖正音註後集三
卷元董鼎撰前集載元汪良臣序一桂自序並歷
代帝王國都疆理統系傳授三圖

一桂見前此書始三皇終五代未載宋金之事董
鼎因續纂以成之其大旨皆本朱子綱目而間採
先儒論斷附以己意考江西志董鼎字季亨饒州
德興人自幼力學受業於黃幹得其端緒嘗著書
傳纂疏以行於世汪良臣無考其序後結銜爲承

務郎江南行臺監察御史

明張南伯藏本南伯吳人金賚畫史會要南伯工

墨梅

古吳

張南伯
書畫印

俱朱文 汪序
卷十

雲查

南伯

俱朱文
卷一

遺孫子

張氏
南伯

子孫
保之

白文
卷九

子孫
其永
保用

朱文
後集卷一

唐國史補

一函
一冊

唐李肇撰分上中下三卷前肇自序

鼂公武郡齋讀書志曰唐李肇撰國史補起開元
止長慶間事初劉餗記元魏迄唐開元事名曰國
朝傳記故肇續之考崇文總目於肇國史補外又
載林恩補國史六卷高若拙後史補三卷而鼂氏
讀書志中皆不載是當時所重者惟肇所補之書
此本密行小字製甚工整雖墨光稍遜而刊手印
工咸出上選目錄後有董氏萬卷堂本篆書木記
較元槧他書木記獨精此書賈中不苟於刻梓者
御題是書採摭開元至長慶故事以補國史之遺凡三

百有六節軼事方言頗資觀覽其間采取各條亦間有
載入正史者是序文所云慮正史之或闕非盡闕也其
字蹟刻畫精能當推為元本之冠乾隆御識鈐
寶二曰幾暇臨池曰稽古右文之璽

錢謙益藏本有牧翁蒙叟如來真子天子門生二

印

牧翁
蒙叟

朱文 序

卷一

天子
如來真子
門生

朱文 目錄

卷一

通典

三函
十八冊

唐杜佑撰二百卷前唐李翰序佑自序

鼂公武郡齋讀書志曰唐宰相杜佑撰先是劉秩采經史自黃帝迄天寶末制度沿革倣周禮六官法爲正典三十五篇佑以爲未盡因廣之參以新禮爲二百篇德宗時上之考唐書杜佑字君卿京兆萬年人以蔭補濟南參軍事累官至同中書門下平章事拜司徒封岐國公卒贈太傅諡曰安簡李翰趙州贊皇人擢進士第調衛尉張巡死節媚其功者以爲降賊肅宗未及知翰傳巡功狀表上

之帝由是感悟累遷翰官至左補闕翰林學士以
 病免此書係仿宋刊亦頗得其形似而紙質墨香
 則遜矣
 收藏諸印無考內京口某氏收藏一印歲久紙蝕
 並闕其姓

京口

朱文

氏藏

李序

應氏

白文李序 卷三十一 卷三十一 卷三十一

行敏

卷百一十五 卷百一十五 卷百一十五 固斷六官

依庸

朱文

居士

卷一

闕補卷三十三九卷四十一四卷五十三九卷五

十四七卷九十三七卷一百四十二九卷一百四

十六八卷一百六十九九卷一百七十二三卷一百

九十一二卷一百九十四六卷一百九十八六

通志二十函
二百冊

宋鄭樵撰二百卷前樵自序元吳繹序並進書疏

馬端臨文獻通考云按此書刊本元無卷數止是

逐略分爲一二耳中興四朝藝文志別史類載通

志二百卷其後敘述云中興初鄭樵采歷代史及

他書自三皇迄隋爲書曰通志倣遷固爲紀傳而改表爲譜志爲略則其爲書似是節鈔刪正歷代之正史如高峻之小史蘇轍之古史而非此二十略之書也但二十略序文後言於紀傳卽其舊文從而損益制誥書疏寘之別錄唐書五代史本朝大臣所修非微臣敢議故紀傳及隋若禮樂刑政務存因革故引而至唐云則亦略言其作書之意豈彼二百卷者自爲一書亦名之曰通志而於此序附言其意耶或并二十略共爲一書耶云云今

以歷代刊本通志考之係併二十略爲一書共成
二百卷並非別有所謂通志者端臨所見刊本蓋
僅有二十略耳是書吳繹序作於元英宗至治二
年繹元史無傳其結銜爲福州路總管考江西志
吳繹字思可信都人泰定間會守吉州序稱是集
梓於三山郡庠北方學者猶未之見迺募寮屬捐
己俸摹印五十部散之江北諸郡云云疏後別行
載至治三年九月印造則知此本亦非吳繹所刊
當屬元初開雕於閩中者也

闕補卷五上二十五卷五下三十卷六下二十卷

七六十卷十上七十卷十五下三十卷六十三三十

八卷六十五二十卷六十七五十一卷六十八十三

三三十四卷六十九五十卷七十七七十卷八十一十三

六卷八十二三十卷八十三三十一卷八十二十九

五八十一卷八十八四十三卷九十二四十二卷一百十三

六卷一百三六十卷一百五三十三卷一百七十七

一七十二卷一百八五十六卷一百十九十三卷一百十三四十三

十四五十二卷一百十一六十六卷一百十二一百一卷一九十七

九七十五卷一百一十二七十六卷一百一十三八十七卷一百一十四九十八

百十五五十九卷一百十八十三卷一百二十一四十二卷一百二十二

十七六十四卷一百三十三四十八卷一百三十四四十二

三卷一百三十五三十八卷一百三十八四十五卷一百

四十五一十八卷一百四十六五十八卷一百四十七

九十三卷一百五十一七十五卷一百五十三八卷

一百五十五六十二卷一百五十六二十三卷一百五

十七七十五卷一百六十六二十六卷一百六十五七卷

一百七十三二卷一百七十七三十五卷一百八十

六六卷一百八十七九卷一百九十二五十二

卷一百九十五

通志 三十二函
三百二十冊

篇目同前前樵自序

此書即前版而闕吳繹之序與疏或是書賈去之

以偽充宋槧也

闕補目錄 一百一十一 卷六上 八十三 卷七 七十 卷十上

六卷十下 六十五 卷十八 三十一 卷二十三 三十六 卷

四十二 三十九 卷四十二 二十九 卷六十七 五十七 卷六

十八 三十三 卷七十二 二十四 卷七十九 十五 卷九

十三 八十一 卷一百七 七十一 卷一百八 五十六

十四 三 卷一百十 九十四 卷一百一 三十三 卷一百

十五 下 卷一百十八 八十三 卷一百 九十二

二十九 七 卷一百三十三 四十九 卷一百四十六 三十三

十一 三 卷一百四十七 六十三 卷一百五十一 卷一

百五十六 二十三 卷一百六十三 三十三 卷一百

八十六 四十 卷一百八十七 八十八 卷一百九十五 三十三

卷一百九十六 九十

通志

十二函 一百二十册

篇目同前前樵自序元吳繹序

此書有繹序而闕其疏字畫較前二部清朗印工

差善

闕補吳繹序 一 目錄 一百一十一 卷十九 一之八 卷二十五 十五

卷五十四 二十六 卷七十三 二十七 卷八十四 三十四 卷九十

一 二十六 卷一百十四 三十三 卷一百十五 上四十七 之五十七

三 卷一百二十五 三十五 卷一百二十九 九十九 卷一

百四十七 六十三 卷一百六十三 八十三 卷一百九十一

四 卷一百九十三 四十一 卷一百九十五 六十一

宋名臣言行錄

十函
六十冊

前集十卷後集十四卷宋朱子撰李衡校正前朱子自序李居安續集八卷別集十三卷別集下十三卷外錄十七卷宋李幼武撰趙崇稜序外錄前有道統傳授圖并程頤司馬光尹焞楊時李侗朱子張栻呂祖謙諸像

陳振孫書錄解題載八朝名臣言行錄二十四卷稱朱子以近代文集及傳記載本朝名臣言行撮取其要輯爲此書前五朝五十五人後三朝四十

二人云云按前集始趙普終蘇洵自太祖以至英宗固爲五朝矣而後集始韓琦終陳師道由仁宗以至徽宗亦五朝合兩集而名爲八朝則可如專指後集爲三朝則不可也故李幼武於前集亦標五朝而其所纂續集別集外錄則標皇朝以別之幼武此書宋人諸書日中皆不採入惟明焦竑經籍志載朱子宋名臣言行錄七十五卷與是書卷數相符卽係幼武合輯之本竝不標五朝而統之以宋是矣然以七十五卷盡屬於朱子又何其漫

不加考耶幼武所纂續集別集及別集下皆載名
臣而外錄則專爲道學統宗而設考宋史宗室世
系表崇稔爲太宗長子漢王元佐九世孫序稱外
孫李士英頃以八朝名臣言行錄鋟梓又於中興
四朝諸名臣蒐閱行事集爲全編云云士英乃幼
武字而宋史無幼武傳其爵里俱不可考序朱子
名臣言行錄之李居安江西志載爲廬陵人登寶
慶二年丙戌進士其校正之李衡宋史載爲江都
人字彥平登進士第由吳江主簿厯官祕閣修撰

致仕定居崑山結茅別墅杖屨徜徉聚書萬卷號曰樂菴幼武編輯既成曾自刻梓而此本字畫不勻紙墨麤黝係元時翻刻非宋槧也

明焦竑藏本有弱侯印見前餘印無考

震宮

育德

大德 少陽

中山靖 俱朱文 王子孫 李序 永保 卷一

弱侯

白文 李序 卷一 續錄 卷八

秦

白文 後集 別集目錄 別集卷六

闕補後集卷十三 十四 十一 卷十四 六 三 別集卷

七一 別集下卷一 外錄卷十二 二十六 二十七

五朝名臣言行錄 一函
二冊

前集十卷後集十四卷宋朱子撰李衡校正前朱

子自序李居安序 本

此朱子所輯前後集單行之本振孫所指即為是

書獨惜非宋槧耳

闕補後集卷四 六

自警編 二函
十冊

宋趙善璪撰不分卷前善璪自序

歙縣志趙善璪字德純宗室趙不俄兄不彼之子

登嘉定進士第嘗謂縉紳不明大法九章無以斷
疑未幾中法科除大理評事後通判廣德軍有政
聲召爲尙書郎著自警編行世善璪序作於寧宗
嘉定十七年其書皆輯宋名臣言行分類紀之首
以事君終言操守序稱越三年而後成編亦深於
克治者矣書中字體規仿顏柳刻工未始不善而
墨黯紙麤決非宋本

徐元明俞立初收藏二印無考

五言詩
五言詩
五言詩

五言詩
五言詩
五言詩

徐氏 朱文八分書一冊
俞氏 白文一冊
東海 朱文四冊
家 白文

元明 三冊六冊
立初 三冊四冊
氏圖 五冊
在 玉柱間 四冊

闕補序文一首冊七

山海經 一函 四冊

十八卷前漢劉秀進書表晉郭璞序

鼂公武郡齋讀書志曰劉秀表言禹別九州而益

等類物善惡著此書皆聖賢之遺事古文明著者

也大父嘗考之於書有曰長沙零陵雁門皆郡縣

名又自載禹鯀似後人因其名參益之陳振孫書

錄解題曰漢侍中奉車都尉臣秀所校秘書秀卽
劉歆也世傳禹益所作其事見吳越春秋恢誕不
典司馬遷曰言九州山川尙書近之矣至禹本紀
山海經所書怪物余不敢言之也可謂名言然古
今相傳旣久姑以冠地理書之首此本字仿歐體
用筆整嚴刻手雖未能盡得其妙而摹印清朗在
元刻中洵爲善本

御題山海經一書流傳最古而近世無善本是本筆法
刻畫清峭當爲元版之佳者明吳郡黃氏省曾會合刊

水經山經爲上下集其字蹟彷彿相同蓋以是刻爲藍本也乾隆御識鈐

寶二曰稽古右文之璽曰乾隆宸翰

本朝樵李曹溶藏本考嘉興府志曹溶字潔躬號秋

嶽秀水人崇禎丁丑進士官御史

本朝順治間歷副都御史戶部侍郎出爲廣東布政

使左遷山西陽和道杜元夫印無考

杜氏 朱文

元夫 序

曹溶 白文

私印

潔 朱文

躬 卷一

闕補卷一七

博古圖

四面
二十冊

宋徽宗御撰三十卷

本陳振孫書錄解題曰宣和殿所藏古器物圖其形

象而記其名物錄其款識品有總說以舉其凡而

本物物考訂則其目詳焉此書係仿宣和舊刻前後

賈二序跋俱無惟每卷首行標題冠以至大重修四字

本出按至大為元武宗年號書中字體圖式規模略具

本雖而不能工整非元刻之佳本也

達觀樓收藏印無考

達觀樓圖

朱文卷一卷四卷七卷十卷十三

書印

卷十六卷十九卷二十二卷二十五

闕補卷一

四十三

卷二

三十

卷六

四

卷七

五

六三

卷十二

三十一

卷十九

九

卷二十八

一

卷二十九

二

卷三十

六

二十四

二十五

博古圖

四函三十冊

篇目同前

此書與前版同紙色較潔而質之勻緻亦過之

闕補卷十六二十九卷二十三三十卷二十五五卷

二十九四

博古圖六函三十冊

篇目同前

此書規仿舊刻縮其方幅前後無序跋而每卷首行標以博古圖錄考正則必有其人因取是刻他本校之前有遂州鄭樸序卷一總說後有樸題跋稱宣和博古圖錄一書舊刻卷帙頗大雖皮置無妨而囊攜稱苦予始改冊減圖凡摹式花紋款識

銘籀則不敢遺舊刻錙黍也至若名物之稍乖器
目之不協字釋之或譌剝泐之或缺具參覈元本
多方訂正或可以秘蔡帳而內巾箱乎云云此本
卷一總說後尙有別紙接補之痕可知爲後人割
去第樸序自紀年月爲宣和五年十月朔而序首
乃云粵稽趙宋時維宣和且中多詆毀徽宗之語
考徽宗本紀以宣和七年傳位欽宗豈有以當時
臣民敢肆然詆毀其君而並付之剗劂者況其序
若作於宣和又何以粵稽時維作追述之語乎歷

考宋元以來正史并各載記之書皆無所謂鄭樸者似是樸有此書刻之者欲僞充宋本妄於序中題以宣和年月而獲此本者閱序中所言亦知樸非宣和時人又割去以爲僞充之地耳樸無可考姑附於元版博古圖後以俟參訂

元趙孟頫鮮于樞明都穆吳寬文嘉俱經收藏孟頫樞寬俱見前考蘇州府志都穆字元敬吳縣人宏治己未進士歷禮部主客郎中加太僕少卿七歲能詩及長泛濫羣籍奉使至秦中搜訪金石遺

文作金薤琳琅錄文嘉字休承徵明次子以貢爲
湖州廣文善書畫餘印無考

朱文卷一

趙

卷三十

松雪齋

朱文

卷之三

張氏

朱文卷一 卷二十

擇善

卷三 卷二十六 卷三十

朱文卷二之十一 卷十三

吉父

之二十六 卷二十八之三十

桂坡安

國賞鑑

朱文 卷二之十一 卷三之二十七

卷二十 卷三十三 卷二十七

卷三十

停雲

朱文

卷一 彥春

錢氏

朱文卷一

卷二十

都

白文

穆

吳

原

俱朱文卷一

寬

博

卷三十

困學

朱文

卷一

趙孟頫印

朱文卷二之三

卷五之三十

楊氏

朱文

家藏

卷之三

文氏

白文卷一

休承

卷三十

闕補卷十二 卷三十一

困學 宋文 賦孟

宋文 卷三十一

宋文

宋文 白文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

宋文

歐州韻文善書畫論曰無甚

欽定天祿琳琅書目卷五終

欽定天祿琳琅書目卷六

元版子部

纂圖分門類題註荀子

一函
十冊

周荀況撰三十二篇唐楊倞注分二十卷前載楊

序并新增麗澤編集荀子事實品題一卷不著纂

人姓氏又宋陳傅良輯荀子門類題目一卷

此當時帖括之書也其門類題目一卷於標題次

行刊永嘉先生陳傅良編所分門類始曰天地終

曰五常共四十門末又附拾遺并事要總類二條

皆擇書中之可作題目者分類摘句以取便於觀覽卷後別行刊麻沙劉通判宅刻梓於仰高堂十二字卷一之後亦於別行刊關中劉旦校正所謂劉通判者當卽是人第書首標題爲纂圖分門類題注荀子書前仍當有圖蓋已失之矣至所載荀子事實品題一卷觀其識語稱舊本荀揚圖說不過具文今得麗澤堂編次品題凡卿雲事實顛末歷歷可考云云則是荀揚合刊之書非此本中所應有乃書賈割取荀子事實以冠於書首耳且書

中自卷九之卷十三及卷十五共六卷標題祇稱
荀子卷十六卷二十兩卷標題又稱監本音註荀
子書名旣不畫一板式亦復懸殊係以三刻湊成
一書其標稱荀子者樞印甚精紙墨俱佳實爲宋
槧餘則元時所刊遠不相及然宋本流傳者久少
今尙存吉光片羽於元刻之中雖出湊合亦可寶
也

明文徵明毛晉藏本

本朝泰興季氏亦經收藏

季振宜藏書

朱文墨印 事實品題 門類題目
卷一卷四卷七卷十卷十二卷十五卷十九

江左

朱文 事實品題

子晉氏

朱白間文

毛表

朱白間文

玉蘭堂

白文

辛夷館印

朱文 俱門類題目

海虞毛表 奏叔圖書記

朱文 卷一卷一
卷七 卷二十

汲古閣

朱文 卷一

毛表私印

白文 卷三

毛表之印

白文 卷四

東吳毛氏圖書

朱文 卷六

別號正菴

毛表
奏叔

俱白文

卷九

毛表
之印

白文

卷十

叔鄭
後裔

白文

卷十

中吳毛奏叔
收藏書畫記

朱文

汲古

朱文

毛奏
叔氏

朱文

汲古閣

朱文

卷十

閣藏

卷十四

卷十五

圖書記

卷十六

卷十八

西河

白文

毛表
之印

朱文

卷十九

汲古
後人

白文

卷二十

河南程氏遺書

一函
八冊

宋朱子輯二十五卷附錄一卷外書十三卷後附

文集十二卷又元譚善心輯遺文一卷目錄後有

善心識語并朱子辯誤書未載宋趙師耕麻沙本
後序李襲之春陵本後序又元鄒次陳虞槃序二

篇

譚善心字元之臨川人元史無傳其事蹟不可考
所作識語稱程子遺文遺事一卷善心始慮世傳
胡氏本猶未盡善而朱子改本惜不可見貞白虞
叔近示以所得吳內翰家藏別本乃與臆見脗合
用鈔諸梓以與學者共之其朱子與劉共父張南
軒辯論所及者悉附著於目錄之下且爲竊考程

氏世系譜於十二卷之首云云世系譜此本已闕
鄒次陳序稱遺書外書俱出程門弟子手記朱子
家藏世所刊本無不同者獨二先生文集出胡文
定公家頗有改削朱子定其所當改者數紙屢以
書致劉張二公然承舛習譎卒莫之從譚元之因
與蜀郡虞槃往復討論以復乎朱子所改之舊焉
今觀李襲之舂陵本後序祇言遺書外書而不及
文集其趙師耕麻沙本後序則稱二程先生文集
憲使楊公已鈔版三山學宮遺書外書則庾司舊

有之後俱燬於乙未之火師耕承乏來此亟將故
本易以大字與文集爲一體刻之後圃明教堂云
云按陳振孫書錄解題載河南程氏文集十二卷
謂爲建寧所刻本載在集部不與遺書合錄子部
之中是振孫所指建寧本似爲楊公所刊而以一
體合刻則自師耕始也考浙江通志師耕黃巖人
登宋寧宗嘉定七年進士第其序猶自署古汴者
蓋不忘故土之意李襲之無考元史虞槃字仲常
隆州仁壽人集之弟登延祐進士授吉安永豐丞

後終嘉魚縣尹西江志鄒次陳字周弼一字悅道
宜黃人中博學宏辭科所著有遺安集十八卷史
鈔十卷此書校正文集雖足訂別本之譌然撫印
草草紙墨皆不求精在元刻中又其次者

書中有趙氏子昂龍門子圖書記進士郡李縣令
三印考元史孟頫以英宗至治二年六月卒而鄒
次陳序作於至治二年七月譚善心識語作於至
治三年九月是孟頫歿時書尙未經刊行安得其
收藏印記進士郡李縣令一印文義亦不可解觀

三印篆法俱極粗劣其爲書賈僞造無疑故不採

錄

闕補文集卷八

全

近思錄

一函
四冊

宋朱子呂祖謙同輯十四卷宋葉采集解前采序
並進書表目錄後載朱子祖謙識語二篇

陳振孫書錄解題馬端臨文獻通考皆載近思錄
十四卷而不及葉采集解明王圻續文獻通考載
近思錄有何基發揮戴亨補註柳貫廣輯黃績義

類諸書亦不載此本考宋史無葉采傳凌迪知萬
姓統譜稱采字仲圭成都人初從蔡淵受易學已
而往見陳淳淳以其好躐高妙而少循序就實工
夫屢折而痛砭之采自是屏斂鋒鋷駸趨著實淳
深喜之理宗寶慶初爲祕書監嘗論郡守貪刻之
害上嘉納之今觀書中進表係淳祐十二年表後
結銜爲朝奉郎監登聞鼓院兼景獻府教授距作
祕書監時已歷二十八載迪知乃未經考及耳集
解之作蓋在黜浮崇實之後序中有研思積久踰

三十載義稍明備之語用心亦良苦矣此本係仿

宋刊而紙質不免麤黝之病

闕補卷二三十五卷九十六

近思錄一函三冊

篇目同前闕葉采序

此本版式較大紙質亦極堅緻勝於前本

闕補卷一四卷十十一卷十四十一

朱子語類八函九十六冊

宋黎靖德輯一百四十卷前載宋黃幹李性傳蔡

抗吳堅黃士毅魏了翁王佖諸序并語錄姓氏門
目目錄後靖德識語二篇考訂九條

馬端臨文獻通考載李道傳輯晦菴語錄四十六
卷其弟性傳又輯續錄四十六卷王圻續文獻通
考載文公語類一百三十八卷乃黃士毅所序次
者今接靖德識語稱李道傳刊語錄於池李性傳
刊續錄蔡抗刊後錄皆於饒是爲三錄黃士毅輯
語類刊於蜀王佖作續類又刊於徽是爲二類凡
五書靖德合而參校之削其複者一千一百五十

餘條云云是靖德所見者博而所採者精也凌迪
 知萬姓統譜載靖德永嘉人爲沙縣主簿攝縣事
 清謹善理繁劇博學能文嘗修沙陽志此書字畫
 不工紙麤墨黯乃元時坊刻之本
 樵李項氏藏本一百三十八卷八黃士燾跋
 本朝黃虞稷亦經收藏按虞稷字俞邵晉江人康熙
 間以諸生預修明史食七品俸一時以爲榮

墨林項氏
 秘笈圖書

朱文

黃印
 虞稷

白文

俞邵

朱文

每冊

闕補卷三十三六十一卷三十五七十二卷八十一

三十四卷九十四十四十五卷一百十五卷一百二十八

朱子語類四函二十四冊

篇目同前前有宋王柏序

此與前部同出一版樞印之時亦不相遠而此書

多王柏序序作於宋咸淳乙丑稱靖德編校成書

文公之遺語大備是柏序專爲此書而作前部無

之當屬闕佚第柏序紙色與前部深淺迥殊似非

取命一時所印或由取資於別本耳

道命錄 一函 一冊

宋李心傳輯元程榮秀釐正分十卷前心傳序宋朱申序榮秀序

考宋史李心傳字微之隆州井研人慶元二年薦於鄉既下第絕意不復應舉閉戶著書晚因崔與之魏了翁等之薦爲史館校勘賜進士出身累官至工部侍郎以言去奉祠潮州淳祐三年致仕卒載所著成書甚多內有道命錄五卷心傳自序係作於理宗嘉熙三年朱申之序乃淳祐十一年知

江州時爲之刻梓而作其書尙仍五卷之舊榮秀
序稱道命錄五卷刻梓在江州燬於兵榮秀嘗得
山書而讀之疑爲初稿尙欲刪定而未成者齋居之暇
略加釐正彙次爲十卷重刻於龜山書院而識其
後云云書中第十卷末附宋理宗淳祐以後贈卹
指揮二篇制詞三篇標爲續增又元文宗天歷以
後請加封狀并部議二篇贈卹制詞五篇標爲新
增乃榮秀所補錄者當時刻手印工咸出上選紙
潔墨瑩幾與宋槧無異誠元刻之佳本也榮秀序

闕未數行以明萬厯間丁元薦刊本校之榮秀姓
程新安人序作於至順四年結銜爲奉直大夫江
浙等處儒學提舉惜宋史無榮秀傳新安志亦未
載其事蹟不可考序末數行今依元薦本補錄

御題道命錄十卷宋嘉熙間編次濂洛關閩五先生進
退黜陟之所由而終以諡議贈卹制詔元時重刻於龜
山書院則又續增作書後所有事實及元代追崇典冊
之文也其二云道命者蓋言道之行與廢皆命云爾此書
猶是元龜山書院初本乾隆甲子秋日鈴

寶二曰乾隆宸翰曰幾暇臨池

朱臥菴吳岫收藏諸印無考

朱臥菴

朱文李序卷三

收藏記

卷七上卷八

姑蘇

朱文

吳氏

家藏

卷一

畱耕

白文卷二

堂印

卷六卷七下

類編標註文公先生經濟文衡

一函六冊

宋馬括輯前集二十五卷後集二十五卷續集二

十二卷共七十二卷前宋黃昇序括自序

馬括宋史無傳宋人諸書目亦不載是書其序作

於淳祐辛亥按辛亥為宋理宗淳祐十一年書中

蓋取朱子所著論者類而編之加以標註黃昇序稱括字曰季機而未詳其爵里昇宋史亦無傳著有中興詞選字曰叔暘號曰玉林又號花菴胡德方爲之序稱其早棄科舉吟咏自適秋房樓公以泉石清士目之馬括當時纂輯此書似未刻梓是本前集總目後有時泰定甲子春刊於梅溪書院本記按泰定甲子爲元泰定帝御極之元年版式係仿宋巾箱本而未能如宋槧之工也

類編標註文公先生經濟文衡

一函
六冊

篇目同前

此書即前版樞印亦出一時

周大訓印無考

濂溪

朱文

周印

良前集卷二卷六卷十三卷二十後集卷一卷九

道脈

大訓

卷十五卷二十續集卷一卷七卷十二卷十七

詳註東萊先生左氏博議

一函四冊

宋呂祖謙著二十五卷前祖謙自序

祖謙序以左氏博議為諸生課試而作故當時付

刊仿巾箱本之式書中無刻梓年月亦不載作註

人姓氏觀其紙黝墨黯乃元樞宋槧而不能工者也

元趙孟頫藏本明陳繼儒徐渭亦經收藏孟頫見前考明史繼儒字仲醇號眉公松江華亭人爲諸生與董其昌齊名年甫二十九取儒衣冠焚之隱居崑山之陽後築室東余山杜門著述工詩善畫年八十二卒徐渭字文長號天池生山陰人爲諸生有盛名嘗自言吾書第一詩次之文次之畫又次之

眉公

朱文

序

松雪

朱文

天池居士

白文 俱目錄 卷二卷三

卷五 卷七之卷十四 卷六

卷十八 卷二十一 卷二十二

卷二十六 卷二十五

胡子知言

一函 一冊

宋胡宏著一卷後錄一卷前宋張栻序

宋史胡宏字仁仲建寧崇安人安國次子初以蔭

補右承務郎不調秦檜當國貽書其兄寅問二弟

何不通書意欲用之宏書辭甚厲人問之宏曰正

恐其召故示之以不可召之端檜死宏被召竟以疾辭著書曰知言張栻謂其言約義精道學之樞要制治之著龜也按張栻嘗從宏遊其序作於孝宗乾道四年極推崇之意朱子語錄有曰因與諸子論湖湘學者崇尚胡子知言曰知言固有好處然亦大有差失如論性往往與告子湍水之說生之謂性之意有相似處云云而呂祖謙謂知言勝似正蒙則又過於稱許焉此書兩卷後別行皆刻後學天台吳堅刊於福建漕治考宋史無堅傳浙

江通志載堅仙居人登淳祐四年甲辰進士第歷
官至端明殿學士此書係元時翻刻雖不能精而
宋槧規矩猶存尙屬元版之佳者

本朝商邱宋犖藏本有緯蕭草堂印按犖作西陂雜
詠詩有緯蕭草堂一篇其子至曾取以名其集

緯蕭草堂 朱文

藏書記 冊末

困學紀聞

一函
六冊

宋王應麟著二十卷前應麟自識元牟應龍袁桷

序後陸晉之序

考宋史王應麟字伯厚慶元府人九歲通六經淳祐元年舉進士寶祐四年又中博學宏辭科歷官禮部侍郎尋轉尙書兼給事中左丞相以畱夢炎用徐囊黃萬石等遂東歸後二十年卒所著書甚多困學紀聞其一也牟應龍序作於元英宗至治二年袁桷序作於泰定帝泰定二年元史列傳應龍字伯成其先蜀人後徙居吳興應龍幼警敏日記數千言擢咸淳進士第賈似道招之拒不見不

得寘上第調光州定城尉沿海制置司辟爲屬以
疾辭不仕而宋亡矣已而起家教授溧陽州晚以
上元縣主簿致仕泰定元年卒年七十八袁桷字
伯長慶元人以薦爲翰林國史館檢閱官屢遷至
侍講學士泰定初辭歸四年卒追封陳畱郡公諡
文清陸晉之吳郡人元史無傳其結銜爲慶元路
儒學教授序中有鳩工度費給以學儲本學官及
岱山長共助以足其用云云按顧炎武日知錄引
陸深金臺記聞曰元時州縣皆有學田所入謂之

學租以供師生廩餼餘則刻書工大者合數處爲
之故讐校刻畫頗有精者今證以晉之所言適相
昭合第此書撫印不佳耳

闕補卷二三十七卷十二十七卷十五十二

困學紀聞一函
十一冊

篇目同前前牟應龍序後陸晉之序俱不載

此書版較大非陸晉之所校刊者故不載其序應
龍序或本有而後失之刻手印工校前部皆高一
籌在元刻中尙爲佳者

闕補目錄 三卷二 三十五卷三 十九卷六 十八

十一卷七 八卷十一 六卷十四 十五

三十二卷七 八卷十一 六卷十四 十五

北戶錄 一函
二冊

唐段公路纂龜圖註三卷前唐陸希聲序

公路唐書無傳陸希聲序稱為鄒平公之孫考唐

書段文昌於唐文宗時以御史大夫進封鄒平郡

公則公路乃文昌之孫矣其書皆採嶺南民風土

俗飲食衣製歌謠哀樂有異於中夏者錄而誌之

至於草木果蔬蟲魚羽毛之類有瑰形詭狀者亦
莫不畢載謂之北戶錄者蓋取淮南子云南方之
極自北戶之界至炎風之野赤帝祝融之所司也
希聲吳人善屬文由右拾遺歷官至同中書門下
平章事唐書有傳龜圖無考書中目錄後別行刊
臨安府太廟前尹家書籍鋪刊行則知是書先有
宋槧此本規仿爲之意欲僞充宋刊故猶存尹家
之名耳

元王元伯藏本

本朝泰興季氏虞山錢氏亦經收藏錢曾見前考江
南志元伯金壇人四世不異爨家人百餘口無間
言日使諸女婦聚一室爲女工畢斂貯一庫室無
私藏兄宣伯卒以家事付兄子軌軌辭元伯曰若
宗子也宗子宜主之相讓既久卒以付軌搢紳之
家咸自謂不如至元間旌表其門

竹塢

朱文 王印 履吉

夏 季印 振宜

滄 朱文 俱序

古吳 夏 習 王氏 目錄 古

朱文 墨印 目錄

季振宜

朱文 墨印 目錄 卷二

虞山錢曾 遵王藏書

朱文 卷一 卷二

王氏 朱文 元伯 卷一

王氏 家藏

朱文 序 卷一 卷三

夢溪筆談

一函
八冊

宋沈括著二十六卷前括自序

括序稱予退處林下思平日與客言者時紀一事於筆謂之筆談聖謨國政大事及宮省皆不敢私紀至於繫當日士大夫毀譽者雖善亦不欲書所錄惟山間木蔭率意談噓不繫人之利害者下至閭巷之言靡所不有云云考宋史括字存中錢塘人擢進士第歷官至龍圖閣待制知審官院出知青州未行改延州以功加龍圖閣學士尋謫均州

團練副使元祐初徙秀州繼以光祿少卿分司居
潤八年卒此書當屬居潤時所作故有退處林下
之語其書曰故事曰辨證曰樂律曰象數曰人事
曰官政曰權智曰藝文曰書畫曰技藝曰器用曰
神奇曰異事曰謬誤曰譏謔曰雜志曰藥議共十
有七門開雕者雖仿宋槧而撫印不工紙質亦未
能堅緻其爲元刻無疑

明杜堇藏本考馮仙湜圖繪寶鑑續纂杜堇字懼
男有禳居古狂青霞亭長之號丹徒人占籍京師

舉進士不第遂絕意進取爲文奇古兼善繪事安陽開國印記無考又有宋徽宗政和二字寶篆粗俗係書賈僞作不足載入

安陽開國印記

杜堇

俱朱文

每冊首

詩苑叢珠

一函
三冊

元仇舜臣編曹彥文增輯三十卷前曹輓序

輓序作於大德己亥按己亥爲元成宗大德三年序後有至正甲辰菊節西園精舍新刊木記按至

正甲辰爲元順帝至正二十四年距輓作序之時
已逾六十六載書分三十六門皆採摘成語取其
二三字集成對偶并附詩聯以備初學擷摭之用
係餽飭之書故不顯於當世歷年既久書賈得之
始爲開雕宜其刊印草草也舜臣彥文輓俱無考

元版集部

分類補註李太白詩集

一函
五冊

唐李白著元楊齊賢集註蕭士贇補註二十五卷
前載唐李陽冰宋樂史宋敏求曾鞏毛漸五序劉

全白李君碣記

陳振孫書錄解題曰唐志有草堂集二十卷李陽
冰所錄也今按陽冰序文但言十喪其九而無卷
數又樂史序文稱李翰林集十卷別收歌詩十卷
校勘爲二十卷又於館中得賦序書表贊頌等亦
爲十卷號爲別集然則三十卷者樂史所定也家
藏本不知何處本前二十卷爲詩後十卷爲雜著
首載陽冰史及魏顥曾鞏四序李華劉全白范傳
正裴敬碑志卷末又載新史本傳而姑孰十詠笑

矣悲來草書三歌行亦附焉復著東坡辯證之語
其本最爲完善則有蜀刻大小二本卷數亦同而
首卷專載碑序餘二十三卷歌詩而雜著止六卷
有宋敏求後序言舊集歌詩七百七十六篇又得
王溥及唐魏萬本同哀類唐詩諸編洎石刻所傳
廣之無慮千篇以別集雜著附其後曾鞏蓋因宋
本而次第及之耳以校舊藏本篇數如其言然則
蜀本卽宋本也耶未又有元豐中毛漸題云以宋
公編類之勤曾公考次之詳而晏公又能鏤版以

傳於世乃知晏止刻於蘇州者然則蜀本蓋傳蘇本而蘇本今不復有云云今觀此本首卷錄賦八篇餘二十四卷皆載歌詩並無雜著與振孫所見諸本不惟卷數參差亦且所收反少雖載陽冰諸人之序而皆不妨其舊矣書中有建安余氏勤有堂刊篆書木記目錄末葉板心記至大辛亥三月刊按辛亥爲元武宗至大四年其時勤有堂之名尙存蓋建安余氏子孫皆世守其業者也楊齊賢無考蕭士贇字粹可寧都人篤學工詩與吳澄友

善所著有冰崖集見西江志英嶺山人出入

陳惟中收藏印記無考

陳氏 白文 齋 又奇蹟門平日更

惟中 卷十 卷九 又入也

闕補卷三 三十三

唐翰林李太白集 一函 八冊

唐李白著二十六卷前唐李陽冰序後宋樂史曾

鞏毛漸三序目錄後載薛仲邕編白年譜

此書不載編纂人姓氏前二十四卷皆載歌詩賦

則列於二十五卷其二十六卷專載讚十七篇較前部故多一卷然樞印遜於前部其中錯誤亦多如作序之毛漸並譌爲毛述似是坊間自爲刊行之本也

明安國錢穀黃姬水俱經收藏安國見前按蘇州志錢穀字叔寶吳人少孤貧失學迨壯始知讀書家無典籍游文待詔門下日取架上書讀之以其餘功點染水墨得沈氏之法黃姬水字滄父長洲人五岳山人省曾之子生而英敏山人出入必攜

之俱命學書於祝京兆遂傳其筆法餘印無考

子

國賞鑑

俱朱文陽冰序卷二卷六卷十
卷十四卷十八卷三十一卷二十四

錢

朱文年譜

毛序

叔

白文卷一卷五卷九卷十三
卷十七卷二十卷二十三毛序

黃印

白文卷二

山齋

游俠

俱朱文

毛序

處士

集千家註分類杜工部詩

一函
十冊

唐杜甫著宋徐居仁編次黃鶴補註三十五卷前

載傳序碑銘一卷註杜詩姓氏一卷年譜一卷

陳振孫書錄解題曰門類杜詩二十五卷稱東萊

徐居仁編次未詳何人云云是門類係居仁所編

而集千家註之名則自黃鶴爲之書分七十二門

所列諸詩姓氏始韓愈元稹終以文天祥謝枋得

劉會孟共一百五十六家其曰集千家者蓋夸大

之詞耳黃鶴字叔似臨川人所著有北窗寓言見

西江志書中門類目錄後有皇慶王子鐘式木記

勤有堂鑪式木記傳序碑銘後有建安余氏勤有

堂刊篆書木記詩題目錄及卷二十五後皆別行
刊皇慶王子余志安刊於勤有堂按皇慶王子爲
元仁宗皇慶元年前余氏所刊李太白集係至大
辛亥與此刻僅隔一年蓋欲以李杜詩集並行於
時故刻手印工亦復相等也

闕補卷二十六卷五十一卷七二十七之卷十五三十三

二三三十四卷十九十五
十三二十七

集千家註分類杜工部詩二函
篇目同前後附文集二卷二十冊

篇目同前後附文集二卷

此書卽前版惟將傳序碑銘後建安余氏篆書木
記剗去別刊廣勤書堂新刊木記門類目錄後鐘
式鑪式二木記尙存而以皇慶壬子易刊三峯書
舍勤有堂易刊廣勤堂其詩題目錄後別行所刊
之皇慶壬子余志安刊於勤有堂十二字雖亦鑿
去而卷二十五後所刊者當時竟未檢及失於削
補所增附之文集二卷樞印草草較之前二十五
卷亦不相類此拙工所爲雖欲作僞亦安能自掩
也耶

本朝泰興季氏藏本餘印無考

季振宜

朱文 傳序碑銘首葉 詩集卷一之

藏書

卷四 卷六之二十五 文集卷一卷二

冰雪

歲寒

朱文

雅肅

齋印

潘敦景信

俱白文 詩集卷十

圖章

卷二十

集千家註分類杜工部詩

一函六冊

篇目同前闕傳序碑銘一卷年譜一卷文集二卷

此本與前第二部爲一時撫印之書其卷二十五

後雖亦無皇慶王子余志安刊於勤有堂一行乃

用別紙黏接非由板中鑿去係後之鬻書者知其

作偽未周又從而彌縫之耳

闕補詩題目錄 十八 卷七 十七

集千家註分類杜工部詩 二函 二十六冊

篇目同前

此書乃以前版重加翻刻故將建安余氏前後所

列之名盡為削去其廣勤書堂新刊木記亦復不

存惟以鐘式木記中三峯書舍四字易刊汪諒重

刊而鑪式木記中之廣勤堂則仍其舊汪諒無考

觀其去廣勤書堂新刊木記則是堂亦非汪諒所
有矣書中註字本小一經翻刻筆畫未免較肥然
紙質印工實出前二部之上

闕補卷十一

全

卷十五

全

韋蘇州集

一函
五冊

唐韋應物著十卷前宋王欽臣序元沈明遠補撰
傳

馬端臨文獻通考載韋蘇州集十卷未及作序之
人考宋史王欽臣字仲至應天宋城人洙之子用

蔭入官文彥博薦試學士院賜進士及第歷集賢
殿修撰知和州徙饒州斥提舉太平觀徽宗立復
待制知成德軍卒欽臣性嗜古藏書數萬卷手自
讐正世稱善本沈明遠元人史無傳考顧瑛玉山
名勝集載明遠吳興人精隸法玉山草堂春暉樓
綠波亭諸額皆其所書又稱其與顧德輝同時按
德輝之子元臣於太祖至元之季爲水軍副都萬
戶則明遠爲元初人無疑此書當屬欽臣所訂而
明遠重刻於元初者故撫印精好與宋槧猶不相

遠

四當錄氣命詩式心却則者意昔以此語之長

御題韋應物五言詩高遠閒淡世所罕及年至九十餘
益造微妙浮屠皎然工詩嘗擬其體應物語之曰人各
有能有不能子欲爲我且失其故步至今傳爲知言白
居易繼守蘇州詩云敢有文章替左司其見推重如此
惜其文史逸不傳所傳者特詩集耳是集編次雕鏤雅
稱善本予愛讀其詩因書數語於卷首乾隆甲子九秋
三日鈐書大案皆如詩此少翻窗課餘欲爲三煖氣命
寶二曰乾隆宸翰曰幾暇臨池不疑時不眠公之視以

寶二或謂公詩不琢句不用事不鍊詞不知公之所以

三日為唐大家者或謂此也晴窗點檢遂為三歎辰翁

蘇善志 沈明遠補傳後

昔其右識語一作小行書用筆高古考西江志辰翁姓

劉名會孟廬陵人補太學生壬戌廷試忤賈似道

意而理宗嘉之寘丙第以親老請濂溪書院山長

益歎江萬里陳宜中薦居史館又除太學博士皆固辭

宋亡託方外以歸著須溪集百卷書中有漱石枕

流印當為辰翁託方外時所寄意者以此證之是

書爲元初刊本益信

漱石

白文序卷一

枕流

卷四卷六卷八

增廣註釋音辯唐柳先生集

一函
八冊

唐柳宗元著童宗說音註宋張敦頤音辯潘緯增

廣音義正集四十三卷別集二卷外集二卷附錄

一卷共四十八卷前唐劉禹錫原序宋陸之淵序

並編集姓氏

陸之淵序作於宋孝宗乾道三年稱予至瀟山郡

齋雲閒潘廣文攜音訓數帙示予比於祝充之註
昌黎集云云潘緯宋史無傳考凌迪知萬姓統譜
載緯字仲寶華亭人紹興中舉進士甲科恬於進
取工著述陸之淵無考是書亦係翻刻宋本字畫
猶存其概而紙質墨香則不相侔矣

明晉莊王鍾鉉藏本鍾鉉見前

晉府書畫之印

朱文序

卷二十六

敬德堂圖書印

子孫永寶用

俱朱文卷二十五附錄

增廣註釋音辯唐柳先生集

一函五冊

篇目同前闕編集姓氏
前書於正集外雖分別集外集附錄而目錄則同
列於正集之首此本以末五卷移置別集之前版
式雖仿前書而實別為刊梓樞印之工又出其下
也

明毘陵周氏藏本良金印已見前吳蒙印記無考

周印
良金

毘陵周氏九松
迂叟藏書記

俱朱文 序 卷八 卷九 卷六 卷十九
卷三十一 卷三十二 卷四十一 卷四十二 附錄

吳印
蒙

白文
卷一

增廣註釋音辯唐柳先生集
一函
十三冊

獸齋
篇目同前闕別集外集附錄目錄

此本較第二部又遜一籌合觀三書皆非一版何
開雕者如是之多而顧草草以從事耶

鄭翼明收藏印記無考

鄭翼

朱文 八分

明記

序

陸宣公集

一函
五冊

唐陸贄著十卷

陳振孫書錄解題曰陸宣公集二十二卷權德輿

爲之序稱制誥集十三卷奏草七卷中書奏議七卷今所存者翰苑集十卷膀子集十二卷序又稱別集文賦表狀十五卷今不傳據此則陸贄集乃四十二卷至宋已闕二十卷矣振孫所謂翰苑集卽制誥集其膀子集係合奏草奏議爲一書馬端臨文獻通考專載奏議十二卷蓋因制誥奏議集名旣分原可各自單行不必合二十二卷始爲全本此書所載皆制誥之文分以十卷卽單行之翰苑集也字朗紙潤洵屬元刊善本

歐陽文忠公文集

五函
四十五冊

宋歐陽修著居士集五十卷外集二十五卷易童

子問三卷外制集三卷內制集八卷表奏書啟四

六集七卷奏議集十八卷雜議集十九卷集古錄

跋尾十卷書簡十卷共一百五十三卷總目後有

宋胡柯撰年譜一卷并記書後有附錄五卷及編

校姓氏宋周必大序

胡柯記周必大序皆作於宋寧宗慶元二年必大

序稱郡人孫謙益丁朝佐曾三異互加編校起紹

熙辛亥之春迄慶元丙辰之夏始成是書云云按
陳振孫書錄解題曰歐公爲一代文宗其集徧行
海內而無善本周益公解相印歸用諸本徧校定
爲此本且爲之年譜曰居士集外集而下至於書
簡凡十名刊之家塾其子綸又以所得歐陽氏傳
家本乃公之子棐所編次者屬益公舊客曾三異
校正益完善無遺恨矣今以必大序考之三異本
預校讐之列書中並無必大子綸重加編次之語
且年譜係出胡柯之手而非必大所作豈振孫所

見又爲別本耶此書字法規仿鷗波深得其妙定屬元時所重刊者觀其樞印之精非好古者不能爲此書前應有序文似是書賈欲充宋槧遂妄爲割去而不知其掩其善也會三異宋史無傳凌迪知萬姓統譜載三異字無疑臨江新淦人少有詩名尤尊經學屢從朱子問辯因顏讀書之堂曰仰高部使薦於朝授承務郎端平初以祕閣校勘召力辭年八十一卒孫謙益字彥撝丁朝佐字懷忠胡柯字伯信俱吉州人其事蹟無考

弘治十五年十月二日收入淮東書院一部一百

五十三卷附錄五卷四十五冊畱都人獻第四十
五冊末

右識語一作蠅頭楷書而筆法不工乃書院中掌

書籍者所識以取便於稽核耳淮東書院無考按

明史地理志載淮安揚州二府元時隸淮東道宣

慰司則書院當在二府間也

明李廷相周良金俱經收藏印記見前

毘陵周氏九松
迂叟藏書記

周印
良金

自娛
而已

俱朱文

周笈
私印

白文

周氏藏書之印

濮陽李廷相雙
檜堂書畫私印

俱朱文

每冊

東坡集

十二函
十二冊

宋蘇軾著前集四十卷後集二十卷奏議十五卷

內制集十卷外制集三卷和陶詩四卷應詔集十

卷共一百二卷無校刊姓氏

此書前後俱無序跋密行細書樵印工緻係仿宋

巾箱本式欲以之亂真者當屬元初人所為始克

有此形似惜紙質鬆脆不能相強耳

元邵桂子藏本明邵亨貞文徵明亦經收藏翠竹齋玉蘭堂諸印見前按鮑楹雪舟詩序青溪邵桂子字德芳太學上舍登咸淳進士任處州府教授宋亡避地雲間贅曹氏居泖湖之蒸溪嘗瀕湖構亭名雪舟著述其間有脞稿十卷脞談二十卷皆以雪舟名之豫爲生壙號曰元宅著元宅七銘後七銘續七銘別七銘凡二十八事摹周易作忍默恕退四卦又松江志載邵桂子之孫亨貞字復儒博通經史贍於文辭凡陰陽醫卜佛老之學莫不

究其奧洪武間爲府學訓導尋成潁州後歸卒年

九十三著有蛾術集

翠竹 自爨 齋

竹塢

江左

俱宋 玉蘭 堂

梅溪 俱朱文 精舍 目錄

貞

邵氏 復儒

俱朱文 前集卷八 宅 玄

邵子 俱朱文 前集卷三十一

玄之又玄

朱文 前集卷三十一

元宅子 邵桂子 一之父

朱文 前集卷二 後集卷十五

乾坤一州亭

朱文 前集二十四 後集卷十六

雲間 壽樂 行窟

朱文 前集卷三十六 後集卷十三

天 根 月 窟 子 宅 玄

朱白間文 前集卷三十八

天根 月窟

朱文 前集卷四十一 後集卷十七

古香

朱文 後集卷十三

桐瀨雪舟

朱文 八分 後集卷十四

壽樂堂

朱文後集

玄宅邵

白文後集卷十九

玄宅邵

朱文

卷十八

桂子一
之父章

卷二十

桂子一
之父章

內制集卷四

增刊校正王狀元集註分類東坡先生詩

三函三十冊

宋蘇軾著王十朋集註劉會孟批點二十五卷前

十朋序趙夔序并註詩姓氏傅藻撰東坡紀年錄

一卷

毘陵邵長蘅作王註正論稱王十朋分類蘇詩註

三十二卷註中引用故事謬誤實多有極淺陋可

為失笑者十朋為南渡名臣著梅溪集行世史稱

其天資穎悟廷對萬餘言淹通經史其所註蘇詩何至紕繆乃爾又作註蘇例言稱永嘉王氏註本孤行其失大要有三一曰分門別類失之陋西蜀趙夔舊序自言此書分五十門金華呂氏省爲三十二門而王氏因之玩其標目了無意義且就分門之中亦必顛倒次第云云是王氏所分之三十二門已不免後人訾議今觀此書僅二十五卷並非王氏三十二卷之舊而所分門類多至七十有六數且不止於倍之其間篇章之割裂名目之犯

復殆有甚焉而乃於標題下署十朋之名抑何妄
耶註詩姓氏後有汪氏誠意齋集書堂新刊木記
假名妄作必是此人特以其書規仿宋槧樞印清
朗尚屬元刻之善者故存之

元柯九思藏本明項元汴

本朝季振宜俱經收藏印記見前餘印皆無可考

震宮

朱文 王序

育德

卷一

大德

朱文 王序

少陽

卷一 卷五

明經

白文

世家

王序

振宜

朱文 王序
卷二 卷五

柯九

白文 王序
卷五

思印

卷五

朴素

朱文
註詩姓氏

居士

崇雅

朱文

聽言生

白文
俱紀年錄

龍峯書屋

朱文 紀年錄 卷二 卷五
卷七 卷九 卷十一 卷十三 卷十六

卷十八

卷二十

卷二十一

卷二十四

天籟閣書畫印

白文

卷二十五

樂城集

三函
三十冊

宋蘇轍著前集五十卷後集二十有四卷三集十

卷應詔集十有二卷共成九十有六卷無校刊人

姓氏

是書卷目次第與馬端臨文獻通考所載悉合其

版式之工紙墨之善亦與前東坡集相等蓋當時本以二蘇文集合刊櫛印係出一手也

書中有文徵明梅溪精舍玉蘭堂二印前東坡集中亦有之而元邵氏收藏印記則爲此本所無此本之任氏王氏季氏諸印文不見於東坡集中則知此二書惟歸文氏時曾經合璧其前乎此後乎此者皆各自流傳今離而復合同爲

冊府之珍亦是刻之幸矣王氏季氏諸印見前其雲間任氏子先一印按任氏爲雲間望族松江志載

元末有任暉者字東白其父名子文則子先或即

子文之伯仲行也

鼎

元

季雅

俱朱文

梅谿

精舍

玉蘭

堂

王印

履吉

俱白文

季振宜

字詵兮

朱文墨印

季振宜

朱文墨印

前集卷四 卷七

號滄葦

俱前集目錄

讀書

卷十 卷十三 卷十六 卷十八

卷王

卷二五

卷二八

卷三十一

卷三十四

卷三十七

卷四十

卷四十二

卷四

卷四六

卷四八

後集卷一

卷四

卷七

卷十一

卷十四

卷十八

卷三十一

二集卷一

卷四

雲間任

朱文

應詔集卷一 卷六 卷十

氏子先

前集卷四十一

欒城集 七函
四十冊

宋蘇轍著前集五十卷後集二十四卷三集十卷
共八十四卷前集轍曾孫詡序後集宋鄧光跋按
前宋版欒城集後載鄧光并轍曾孫詡四世孫森
三跋詡森跋皆其自書用筆猶秉家法此本森跋
已失詡跋並非自書且移置簡端以爲書序是刊
刻者未覩宋槧本又安能撫印精良耶

闕補前集卷六 三十三 卷四十 八十三 後集卷十

六 六十七 三集卷一 二十

伊川擊壤集 二函 十冊

宋邵雍撰二十卷前雍自序

鼂公武郡齋讀書志載邵堯夫擊壤集二十卷稱堯夫隱居洛陽熙寧中與常秩同召力辭不起邃於易數始爲學至二十年不施枕而睡其精如此歌詩蓋其餘事亦頗切理盛行於時自爲之序云云是宋時擊壤集雍所自刊此本亦仿宋槧式而標爲伊川者蓋據宋史雍葬親伊水上遂爲河南

人也

黃太史精華錄

一函
二冊

宋黃庭堅著任淵選八卷前淵序後朱承爵跋陳
振孫書錄解題載黃山谷詩二十卷新津任淵註
稱其不獨註事而兼註意惜宋史無任淵傳始末
不可考淵既嘗註庭堅詩則是書所錄擇焉必精
朱承爵跋不記年月觀其跋稱任子淵精華錄選
予嘗得其目錄蓋宋元祐間刻版而亡其文愚輯
其辭而完刻之云云是承爵必非宋人以板式紙
質定之當屬元時刊本無疑

陳氏收藏諸印無考 本無錄

涌石

練江

天都陳

俱朱文

東

自文俱序

山房

陳昂之印

氏承雅

阜先

生後人 卷三 卷五

陳氏藏書

朱文 卷二

子孫永寶

卷四 卷八

屏山集

二函 十二冊

宋劉子翬著二十卷前宋胡憲序朱子撰遺帖跋

墓表後朱子屏山集跋

考宋史劉子翬字彥冲建州崇安人贈太師幹之

仲子以父任授承務郎辟真定府幕屬韜死靖康之難子暈痛憤幾無以爲生服除通判興化軍賊不敢犯旋以羸疾辭歸武夷山不出者凡十七年與胡憲劉勉之友善而期以任重致遠者惟新安朱子而已年四十七卒學者稱屏山先生胡憲字原仲亦崇安人紹興中以鄉貢入太學會伊洛學有禁歸故山力田賣藥以奉其親賢士大夫高仰之以其行義聞於朝上屢召之憲辭母老乃賜進士出身授左迪功郎添差建州教授除祕書正字

以病請歸紹興三十二年卒年七十七書中憲序
作於紹興三十年稱彥冲歿後越十有三年其嗣
子珩始編次其遺文得二十卷朱子後跋乃作於
乾道九年距子翬作序時又越十有三載稱先生
啟手足時珩年甚幼以故平生遺文多所散逸後
十餘年始復訪求以補家書之闕然皆傳寫失真
同異參錯於是反復讐訂又十餘年始克成書云
云是胡憲作序在訪求散逸之後而朱子作跋係
讐訂已成之時也至朱子所撰遺帖跋在慶元五

年距作集跋時又踰二十六載跋中皆珍惜遺墨
之意與是書無關乃刊行者借以取重耳珮宋史
無傳凌迪知萬姓統譜載珮字平父仕爲從仕郎
自號七省翁每與諸名賢唱和有詩集行世

雲停印無考

雲

朱文

停

每冊後副葉

象山先生集

三函
十八冊

宋陸九淵著正集二十八卷外集五卷共三十三

卷前宋楊簡袁燮吳杰三序

卷前宋楊簡袁燮吳杰三序

馬端臨文獻通考載象山文集二十八卷外集四

卷并錄袁燮序文今觀此書外集係五卷其第五

卷乃錄孔煒丁端祖所撰諡議二篇然則九淵外

集仍止四卷也文獻通考不載楊簡吳杰二序按

簡序作於寧宗開禧元年燮序作於寧宗嘉定五

年相去已越八年之久吳杰序作於嘉定十三年

後燮序又經八載燮序稱爲刊於倉司而杰序則

云聞建安狀元陳公子孫喜與人同其善敬送上

件文集請用刊行仍以二賢諡議次於其後云云
是端臨所見者係袁燮刊行之本此本爲陳氏所
刊諡議亦吳杰補錄非復袁本之舊矣外集卷五
後有辛巳歲孟冬月安正書堂重刊木記按嘉定
十三年歲在庚辰則木記所紀辛巳當爲嘉定十
四年但此書墨闇紙黝決非宋本當屬元時翻刻
之書考宋史九淵字子靜撫州金谿人登乾道八
年進士第歷官知荆門軍卒諡文安嘗與朱子論
辨所學多不合門人楊簡袁燮輩皆傳其學焉楊

簡字敬仲慈谿人乾道五年登進士第授富陽主簿會九淵道過遂執弟子之禮歷官至寶謨閣直學士轉朝議大夫慈溪縣男繼以寶謨閣學士大中大夫致仕卒袁燮字和叔鄞縣人入太學登進士第調江陰尉官至寶文閣待制進直學士奉祀以卒初入太學陸九齡爲學錄以道義相磨切厥後見九齡之弟九淵遂師事焉學者稱之曰絜齋先生吳杰江西南城人事蹟無考

元趙孟頫藏本明陶宗儀

寶謨閣學士其對云云

本朝黃虞稷俱經收藏孟頫虞稷見前

考明史宗儀字九成黃巖人少試有司一不中即

棄去洪武六年命有司舉人才皆及宗儀宗儀引

疾不赴晚歲有司聘為教官非其志也所著輟耕

錄三十卷又葺說郭書史會要四書備遺並行於

世

松雪齋

陶九
成藏
書印

俱朱文 袁序 卷二 卷三 卷五 卷六 卷九
卷一 卷三 卷五 卷七 卷二十 卷二十一 卷二十四
卷二十七 外集目錄 卷二 卷四

金

嘉

一

冊

二

三

四

黃印 虞稷

白文

俞 邵

朱文 卷一之卷三 卷五 卷六 卷九 卷十一 卷十三 卷十五
卷十七 卷二十 卷二十一 卷二十三 卷二十七 外集目錄
卷二 卷四

金臺集

一函 二冊

元迺賢著危素編二卷前歐陽元李好文黃潛三

序後虞集張起巖詩泰不華今改正曰識語貢師

泰揭傒斯危素程文楊彝五序其志也

危素序稱易之金臺前稿余既序之矣乃再至京

師又得後稿一卷云云今書有二卷當是前後稿

本並刊而無危素前序蓋偶佚之書中諸賢序詩識

語皆至正間所作當時心折易之匪特文章各盡
所長書法亦兼其妙真行篆隸無體不具則無體
不精而摹刻者又能得其精神不失銖黍選紙選
墨印而傳之豈獨爲元刻之冠卽置之宋槧佳本
中又何多讓焉迺賢元史無傳按浙江通志迺賢
字易之先世居金山之西元興西北諸部仕中朝
者多散處內地故易之稱南陽人隨其兄宦遊江
浙卜居於鄞再至京師以能文名尤長歌詩久之
歸浙東辟爲東湖書院山長以薦授翰林編修官

尋卒元史歐陽元字原功瀏陽人延祐二年賜進士出身由平江州同知官至翰林學士承旨進階光祿大夫年八十五卒追封楚國公諡曰文李好文字惟中東明人登至治元年進士第由大名路濬州判官入爲翰林國史院編修歷官至翰林學士承旨階榮祿大夫尋屢引年乞致仕遂拜光祿大夫河南行省平章政事仍以翰林學士承旨一品祿終其身黃潛字晉卿義烏人中延祐二年進士第由台州寧海丞歷官侍講學士同知經筵事

年八十一卒追封江夏郡公諡曰文獻虞集字伯
生蜀人僑居臨川以薦授大都路儒學教授歷官
奎章閣侍書學士年七十七卒贈江西行中書省
參知政事護軍封仁壽郡公張起巖字夢臣濟南
人年弱冠以察舉爲福山縣學教諭中延祐乙卯
進士首選除同知登州事特旨改集賢修撰屢遷
至翰林承旨進階榮祿大夫泰不華字兼善家於
台年十七江浙鄉試第一明年進士及第授集賢
修撰累官至浙東道宣慰使死於方國珍之難追

封魏國公諡忠介貢師泰字泰甫宣城人肄業國子學爲諸生泰定四年釋褐出身授從仕郎由太和州判官累遷至戶部尙書俾分部閩中未幾召爲中書卿行至杭之海寧得疾而卒揭傒斯字曼碩龍興富州人以薦授翰林國史院編修官遷侍講學士同知經筵事進階中奉大夫卒追封豫章郡公諡曰文安明史危素字太樸金谿人至正元年用大臣薦授經筵檢討歷官參知政事除翰林學士承旨出爲嶺北行省左丞言事不報棄官居

房山尋起爲承旨甫至燕都明師已入素投報恩
寺井中僧大梓挽之出洪武間官宏文館學士後
謫居和州守余闕廟歲餘卒程文楊彝俱無傳楊
彝未詳其人新安志載程文字以聞婺源人以薦
入直翰林拜南臺御史擢禮部員外郎卒
收藏諸印無考

河南陸氏

朱文

家藏書籍

歐陽序

後素

草堂

松陵

茅屋

石田

卷二

俱白文

文選

六函
六十一冊

文選 梁昭明太子蕭統撰唐李善註六十卷前蕭統序
李善上文選註表唐呂延祚進五臣集註文選表
書中每卷標題下於李善註次行刊奉政大夫同
知池州路總管府事張伯顏助率重刊張伯顏無
考其樵刻此書頗得宋槧模範第書中祇收李善
一人之註而又錄呂延祚進五臣註表未免自淆
其例矣

兩漢文鑑

二函
二十冊

宋陳鑑編西漢文二十一卷東漢文十九卷共四

十卷前鑑自序

陳鑑宋史藝文志亦無書不賦

陳鑑宋史無傳自署爲建安人其始末亦無考序
作於端平甲午按甲午爲宋理宗端平元年稱余
三因作兩漢史節積十餘年而功始竟至若名公鉅卿
忠言嘉謨何敢一字妄加節略是以別爲一編云
云考馬端臨文獻通考載陶氏西漢文類二十卷
竇氏東漢文類三十卷初未言及此書其史部中
亦不錄陳鑑史節豈鑑本非知名之士著述不顯
於時抑其書未經付刊逮元而始有是刻耶

收藏二印無考

吳下

朱文序西漢文卷一卷三卷五卷七卷十卷十一

卷十四卷十六卷十八卷二十東漢文目錄卷三卷四卷六

阿明

卷八卷十卷十二卷十四卷十六卷十九

松郡

白文

朱氏

序

闕補西漢文卷六

十八卷十六十七之東漢文卷十

三十八

三國志文類

二函二十冊

六十卷無編纂姓氏

馬端臨文獻通考載三國文類四十卷引陳振孫

語曰不知何人集考宋史藝文志亦稱是書不知

集者名氏然所載係六十卷與通考異今觀此本
卷數適與藝文志符合則端臨所稱四十卷者尙
非全書得此元刊亦足證宋本之誤矣

明晉莊王鍾鉉藏本印記見前餘無考

晉府書畫之印

朱文卷一卷十一卷二十
卷三十三卷三十九卷四十九

敬德堂圖書印

子孫三永寶用

俱朱文卷十一卷二十九
卷三十三卷四十六卷六十

白隄錢聽

朱文

默經眼

卷六

續文章正宗

一函
十冊

辭文 宋真德秀撰二十卷後宋倪澄梁椅鄭圭三序前
宋版續文章正宗祇載倪澄鄭圭二序不錄梁椅
序文蓋閱歲久而佚其一篇也此本出自元刊樵
印雖所不及然三序得全亦參考一助按兩浙名
賢錄梁椅字子奇麗水人登嘉熙進士第除太常
司丞權禮部郎官晚年慕程朱之學編輯遺論名
曰論翼

明徐達藏本有魏國公印嚴嵩亦經收藏有鈐山
堂印考明史徐達字天德濠人年二十二從太祖

軍所向克捷謀略甲諸將初以平吳功封信國公
洪武三年進封魏國公十八年卒年五十四追封
中山王諡武寧嚴嵩字惟中分宜人舉宏治十八
年進士改庶吉士授編修移疾歸讀書鈐山十年
還朝進侍講累官至華蓋殿大學士太子太師竊
政二十年天下咸目爲奸臣年八十五黜爲民寄
食墓舍以卒今觀書中本有禮部官書朱文長印
俱爲嵩鈐山堂諸印所掩考明禮部尙書鄭賜奉
詔訪購遺書係永樂四年之事徐達以洪武十八

年先卒則知此書乃先為達所藏而後入於禮部者至嵩以私印鈐蓋官印之上明是嵩入直文淵閣仍掌禮部事時攘取官書以為己有小人貪邪無所不至即一書可見矣劉文燿印無考

鈐山堂

朱文目錄卷之十一

鈐山堂

朱文目錄卷之卷九

藏書印

卷十八鄭序

圖書印

卷十二之卷十八鄭序

魏國

朱文

仕學齋

朱文卷十二

劉印

白文

奕世珍藏

朱文卷九

圖書

卷十

圖書

鄭序

文燿

鄭序

永寶無斲

鄭序

類編層瀾文選

一函四冊

前集十卷後集十卷續集十卷別集十卷共四十卷無編集姓氏

此書前後俱無序跋前集目錄前有木記識語稱將舊集所選古文重加增錄分爲前後續別四集前集類編賦詩雜語雜著以便初學者誦習後續別三集類編記傳等作以便作文者披閱云云其書始自楚騷終於北宋每卷標題下別行刊雲坡家塾鼎新刊行係當時帖括之書書賈刻以謀利者故仿宋巾箱本式取易售耳

蕭德源收藏印無考

古吳蕭朱文

德源氏 每冊首

闕補前集目錄

五後集卷八

五

新編古賦題

二函
八冊

前集十卷後集八卷共十八卷無編集人名姓氏

此與前部同類之書也亦仿巾箱本式標題下別

行刊翠巖劉氏家塾新編兩集目錄後均有木記

識語紀年為天曆己巳庚午係元文宗初年刊行

之本其書於經史子集中類纂賦題各疏本末於

下蓋爲應試者揣摩之用前集仍有未備爰纂後集以補之

明毘陵周氏藏本印記見前尙古堂印無考

毘陵周氏九松

迂叟藏書記

周印

良金

俱宋文前集目錄卷二卷三卷五卷六首末卷七

卷後集目錄卷一卷二首末卷三卷四卷六卷八

尙古堂

朱文

圖書印

前集後集目錄

闕補後集卷三二

新編事文類聚翰墨全書

十函八十冊

元劉應李編甲集十二卷乙集九卷丙集五卷丁
集五卷戊集五卷己集七卷庚集二十四卷辛集
十卷壬集十二卷癸集十一卷後甲集八卷後乙
集三卷後丙集六卷後丁集八卷後戊集九卷共
一百三十四卷前元熊禾序並全書總目及諸道

圖

考宋建安祝穆撰事文類聚一書先以羣書要語
次以古今事實次以古今文集分綱列目采摭頗
詳此本雖襲其名而所分門類二十有五皆取便

於書問之往來文書之酬應世俗鄙俚之言無所
不載非復祝穆所輯之舊矣劉應李熊禾元史俱
無傳凌迪知萬姓統譜載應李字希泌建陽人初
名槩登咸淳甲戌進士調建陽主簿入元不仕退
與熊禾胡廷芳講道於淇源山後建化龍書院於
莒澤聚徒講授學者雲集顧嗣立元詩選載熊鉢
字位辛初名禾字去非居建陽之鼇峯志求濂洛
之學訪朱子門人輔氏而從遊焉宋度宗咸淳十
年登進士第授寧武州司戶參軍宋亡遂隱不仕